

晚晴籜詩匯

晚晴移詩匯卷十七

徐世昌

李鄴嗣原名文胤以字行號杲堂鄞縣人明諸生有杲

堂詩鈔

全謝山曰康熙戊午浙之大吏欲以先生應詞科之
 薦以死力辭已而萬徵君季野亦有史館之招先生
 送之歎曰鄭次都能招到君章同隱弋陽山中
 不能禁其喟然而別徵君後以是終不受史職
 詩話杲堂年十二三能詩即有秀句十六補諸生父
 桐嘗被逮杭州獄杲堂亦繫定海馬廐中七十日父
 喪自杭歸一慟幾絕再下府獄得免著漢語南朝續
 世說輯甬上耆舊詩徧為作傳藉存文獻其詩別才
 逸腕刻刻異人黃梨洲稱其胸中流出無比擬皮毛
 之習蓋破除王李鍾譚之窠臼而毅然自為者也

行路難

步出浙江干酸風射華髮曾此鬪戈船隔岸西陵飲馬窟
 窄行礙履齒莫是當年死士骨銅腥漬草草不長鬼作戰

結字本八首

謝天中三首

臨內一首

俞詩聖二首

呂商淵十二首

謝天中十一首

俞詩八首

謝天中十首

謝天中十一首

謝天中八首

泣麻韻十五首

謝天中一首

李釋韻三十五首

謝天中十首

謝天中韻十五首

謝天中十首

御若木應可望裴回入空巷旅穀擷滿筐憶此句踐國霸
氣久未央曾聞采葛婦悲吟奉吾王薄脯臨浙水君臣淚
盈裳

亂楓裹江浦遺叟步拾秋往事不可訴欲語生百憂河山
倏破碎耄眼識其繇有雲來滄浥視我同悠悠千春石頭
水斷鎖失中流江南仗王謝乃與鼠輩謀遙傳故常侍遺
孽亂神州舊京猶未覆士氣鬱已囚藉卉今何所六朝襍
松楸潛行未敢哭日腳柴門收

南登白雲山巨礮萬年在老藤緣若梁蒼虬俯承蓋崩剝
傍壑深日渴陷其內我行已及巔得與飛鳥會憶自伏蓬
茨三年漸短喙嚙雪猶未乾蒼茫喪蘭佩豈意躡危巖復
窺天地大延頸始一歌林木助幽籟雲黑古西陵東望哭

聲猶恍忽君不見蛟龍夜徙田橫島海潮不到江湖小
客程當落日重經古陵傍陵柏摧爲薪百里爨室香石人
枕石馬魚鐙闔失光熊羆旣不守穴狐起相商自昔帝王
終失勢土花滴盡行人淚獵人獲得大鹿歸角下小脾隱
有字摩挲知寫放鹿年誰識漢陵當日事

颯風吹散陰天霧十里橫塘開石路云是當年捍海隄黃
土茫茫海眼涸隄上人家學種桑老翁不識靈胥怒發鳩
怨鳥暫得伸草沒鮫宮烽火樹麻姑笑語王方平水淺蓬
萊復一度人間海陸亦易遷天地鴻濛我適晤

秋懷

我心悲四序秋天不可長登高莽難辨中原亦奔茫長跪
復西嚮諸陵黯蒼蒼束髮讀六經豈知早投荒夜中迴月

矚睥始見樵子行訝我反山魍

得杖

出叢棘後各選石雜坐土人俟余輩色定氣定因采竹爲杖各贈一莖乃得進

旣出賀險盡瞻前乃復料小憇對古松支離類此叟策足
恥言疲終落僕夫後山人指爪強拗竹等拗葑憐余進一
莖茲意感君厚忽若當顛危倚身得奇友山魍不敢爭空
潭戰蚋蟻翼足若漸輕影逐孤雲走大謂二子云騰嶽等
培塿

自大嵩嶺上二十里至福泉精舍作

捨舟上樵徑晴眺分纖毫循塗凡屢盤獲奇隨所遭崩崖
露雲根長風勢漸饗諸巒徐束體始識身己高過雨忽足
下髮上天氣交在輿尙苦疲何況昇者勞首虐乘人車筋
力嗟爾曹斗上復稍垂豁然闕林坳老松得成鱗巖土抽

再拜朱囑暮歸來迢迢關水外

山樓

日夕坐眾山空嵐不知溼太白峙我前鹿巖別疏立輕雲
時往還兩山始郵接秋光無定容俯仰每不及歛然隨飛
鳥林煙各小集寒碧散空郊靜久同吐噏十里候樵蘇殘
曠未全入

山行失道

出烏石山後擬上長岡偶失道落叢棘中
竹葉刺眉路隙不縷同游者閉目偃行三

里始出

習僻厭平阡歧道入榛莽笮足不肯回牽拂堅初往稍進
益無天竹葉大踰掌隙處觸辦雲日腳不落壤視體若偃
松漸偃安得仰兩袖競翅張冒棘先用顙導者未識誰後
趾蹴前緬人獸盡無音但聞碎籜響三里幸出叢目光久

自頂來懸噴下離壁驚颺忽吹過左搏或右結急裊萬弗
珠疾圍千捧雪立下觸礮巖一跌撲再跌迴颺忽吹轉團
物上未擘磔石復一響片片始飄屑風伯大奔忙雷君喊
無歇百靈不暫停混沌至今日慰公適語我夜同老僧榻
聽說大龍湫驚起喚奇絕况若置此中狂叫蕩魂魄足仄
不得收目瞬不計曉始歎世外奇天地偶一設老僧旣善
狀得過慰公舌慰公旣善談得入杲叟筆山神最遙待高
僧與詞伯請更說匡廬泉聲落三疊

胥潮行

八月高颺天上來胥江疊浪如山堆伍相揚威不可觸秦
皇當渡空徘徊雷驅雪擁洪濤起北赭南龕愁對峙白馬
疑奔練影中素車隱動鞞聲裏鴟夷之器未飄風屬鏤之

春毛梵僧構幽棲人龍同一巢入門氣得蘇豆筍羅山庖
到此慚浮名徒爲猿鳥嘲我何不徑然將家住藤梢

登望海絕頂

天風吹客上斷竹翼我身廓然老目開得見天地新大海
滃其前萬象趨嘉門亂嶽業相持黃牛三寸蹲太空積終
古一氣還渾淪日車晝夜轉爛爛推星辰長江飄素帶巨
湖注盈盆眾川盡小心東流奉至尊卻望三神山縹緲失
金銀欲把東皇衣垂顙拂小臣陽烏忽以墮朱鳥來紛紛
安得千巫咸一一招古魂同臨晞髮叟灑涕迸奇文尺五
天下語地上應不聞

慰公夜聽老僧說大龍湫余爲述其語

兩山劈相對體凹而頭出怒勢角終古欲磕僅不磕飛瀑

來山川難促人歸去江頭細鳥抑何仁千年禮節尙人臣
願採琅玕飼天種阿閣爲巢以奉君

久客歸

客行二十年記老不識少改盡故鬚眉昨夜邊塲到憶昔
城東開萬戶城口浮梁接江滸出關收魚若收租大船半
泊新安估廟前市馬金障泥古渡桃花鬪眉臙今來陵谷
何易遷夾路小坊盡草莽獨行空巷白日疑放悲西鄰一
寡姥黃門甲第當衢開老兵橫卧自稱主郭外古墳有我
親白楊樹倒供斤斧久客無家還欲行兒骨先愁不傍父
飄葉終身思本根及到誰知益酸苦幾時眞得洗甲兵盡
使流人歸舊土

死戍墓歌爲給事姜貞毅先生作

聯珠詩匯卷一
四
銚尙吐虹野麋纔入夫差苑蔓草旋生句踐宮吳亡越霸
斯須度獨有靈胥難霽怒湧勢常愁地軸翻傾波若向天
關注胥江濤險有如此不煩鐵鎖沉江底飲馬誰教水伯
逋控弦誰使陽侯徒吁嗟乎巨壑填盈精衛石朝可枯潮
夕枯汐蘭亭夜抱冬青枝纍纍之涕不可絕

杜鵑行

春風漫漫百草綠登臺獨展傷春目惜別初彈蜀國弦懷
歸再理巫山曲巫山迢遙隔萬里怨鳥一聲空裂耳但知
今日鼈靈尊還念當時舊天子蠶叢之國闢何年魚鳧城
郭隨飄煙赤樓嗟峩不可見碧雞金雁俱茫然故國興衰
不復數中夜號呼亦何補北嚮猶哀灑血多倒懸更訴髡
毛苦世間代謝須臾事漢寢唐陵盡何處鴻雁終依歲往

松壘上秋燐碧請取孤臣不死心寫向嵌巖一片碣

贈語溪曹黃門歌

記葬楊侍御事也

銅人淚滴茅人瞰漢皇寢殿罽陷杜陵狼藉虎文衣秋
風劉郎看磨劍趙家冤湊一塔餅天陰啼襍馬牛聲不道
一邱蘭上土有人月黑抱冬青此時鬼伯兇如此日逼諸
君上蒿里只從野外哭忠魂誰識路旁流義髓義髓凝爲
千載碧山鵲照眼泉鳴咽家家骨煖一壘泥幾叢亂橐無
寒食語溪黃門義丈夫肯將十匱覆黃墟樹上只容栖怨
鳥田間不敢走妖狐墓石官階都不記小碑只篆嗚呼字
碑前劍草發今春何人下馬雙垂淚安得燒甌千萬堆盡
掩人間義士骸萬盂麥粥千竿紙土花開徧鬪體臺神旗
颯颯飄如雨夜中聽喚諸公語深蒙范式挽靈車多謝張

思陵望治苦若渴側席重宣故相出二十四氣誣正人首
持魁柄障白日萊陽姜公在黃門平生忠篤感至尊極論
丞相真有力要使言官氣得伸上怒赫然死不重卻念直
臣心稍動且將赤棒代歐刀生謫不投人鮓甕聖朝從諫
本如流坐看雷砰電射收天威朝逐陳子壯皇恩夕召
黃道周臣琛哭辭闕下出數到宣城四十日忽傳龍御遂
升天環未及還玦未決小臣目斷燕雲下自操吳戈甲不
卸人間今已絕金雞待到黃墟方遇赦勞勞內史啼南陌
鷓鴣催歸歸不得舊館惟尋皋伯通殘命仍投閭子直三
十年來淚無數白髮青山同旦暮遺骸只葬敬亭坵萬古
漢臣死戍墓君不見先皇仗劍排闥闔臣挾秦弓侍其側
東臺給事生上書宣州老兵死殺賊念祖堂前異草生青

青萍氣荒祠黃石神乾坤方帶甲執手幾時眞

出門望友

亦知來未定東帶候柴門袖置經年字心懷越陌恩菰煙
初白港楓火漸紅村過盡南飛雁離思不可論

丁巳長夏得鄧孝威寄詩卽韻奉答

賀監祠堂下君來酬唱多野花紅照路春水綠生波鼓角
遺民聚江山名士過無言此會易千載聽悲歌

與君同避世老眼閱桑田灑淚登臺日編書閉閣年花詢
蘭里發月憶鑑湖圓可得還江上來尋詠史船

奉答嘯堂和尙

燮藥三春裏誰知巷草生衰年慙廢學近俗畏知名杖履
憑高置鶯花養老成故人誰問疾斟酌啟柴荆

融著高履

夜望

秋氣生華漢蕭然獨望身
天空雲逐鳥夜永月依人
草木冰霜近關河烽燧頻
那堪照衰鬢涕淚共時新

平生

平生忼慨淚秋雨一尊多
島上悲龍笛江東老鷺竿
流歲月短髮送山河野眺
蒼茫候何人起浩歌

眾中

眾中常默默自覺不能親
草木增新涕江山厭舊人
名宜隨世變詩尙觸時嗔
還憩空牀坐低回此日身

懷祈永

到處雞聲促奇人南北身
變名吳市客結友灞陵人
舊室

駢駢關河白日微遙看天末淚沾衣空懷東郡門人怨欲
覓西臺故客稀馬鬣十言誰表墓龍威一卷獨揚輝藉聞
德祐年來事益歎人間歲月非

春日集里中耆舊於南湖之觀堂喜邱舍人含三初
歸因招入社次韻

新霽山堂魚鼓鳴杖藜相約過南城殘年方外思尋藥衰
眼人間望洗兵麥粥分厨充客飽梨花逼座照春晴異時
應續襄陽傳先敘諸公出處明

煙嶼湖南春鳥鳴垂楊幾日拂江城望中衡宇歸陶令戰
後山川過步兵古寺傳蓂尋地僻故人翦韭集天晴益州
遺老今猶在重與相看鵠髮明

西陵絕句

憑高

幾處空城畫角催憑高暮色暫相開江流不斷龍雷動日
落斜臨堞堞來短髮三秋常望氣故人千里共登臺干戈
已隔霜前信高柳頻年雁未迴

哭履安先生

南國香蘭不復生人間難死是高名嗚呼表墓長留字慟
哭登臺未絕聲寒起干楓飄白髮悲摩一鳥下蒼冥論交
此日誰無恙舊笛音中天地冰

友人搜錄東沙公遺集感而賦詩

麥粥吞聲對夕曛重披遺草坐宵分苦吟一誦睢陽作正
議初傳丞相文片字藉公爭杲日九章得汝播靈芬千春
大義應同識此際交情總讓君

題徐道力壁上墨梅

猶龍蜿蜒幾千尺下挾風雷噴四壁天公激怒醒長夢左
耳割入華陽洞怨血流腥涌墨雲枯鱗脫盡三江凍蒼髯
筆筆皴莓苔寒冰盡裂橫飛來長風萬里吹不落羌笛關
山易蕭索

徐曠侯先輩北上

雁陳寒馬蹄苦長安梨花半飛舞帝京空有黃金臺平津
東閣何時開綠楊依舊江南路秣陵草色袍如故春風吹
送木蘭舟秋色猶憐桃葉渡疏髯短鬢不解愁黑貂時欲
換羊裘會將對策董內史博取乘車馬少游

里婦陳氏微甚守志不嫁爲錄之

鳩聲春雨雁聲霜十畝青苗五畝桑血淚不啼殘後鏡寒

會稽行在隔江頭不把杭州作帝州故老莫論千載事年來吳越幾春秋

幾處樓船湖上逢半閒丞相有遺蹤天教秋壑生瑤草重牧吳山第一峯

春雁仍飛竟不還兩湖風物總潛潛北來高士今誰在可有人登望洛山

司馬墳前客過頻灰飛常見紙錢新豈如哭祭文山客只有西臺甲乙人

談遷初名以訓字孺木一字觀若海甯人有棗林集

詩話孺木孝友貞介南渡時以布衣佐高磴齋相國幕磴齋欲薦為中書力辭不就亂後間跋涉客死平陽平生深於史學集十五朝實錄並訪求崇禎十七年中邸報撰國權為明別史今尚有傳鈔本詩憂生念亂多哀豔之音

佛狸曾駐馬豈因佳味有黃柑

廣陵

南朝舊事一蕪城故國飄零百感生柳影天涯隨去輦楊花江上變浮萍遠山依舊橫新黛斷岸還看散冷螢今日廣陵思往事十年前亦號承平

彭孫貽字仲謀號拜仁海鹽人有茗齋集

詩話仲謀為觀我太僕期生子太僕死難贛州仲謀
奔赴求遺骸不得蔬食布衣二十餘年義民曾堯景
始以喪還制服營葬不久亦下世詩沈壯鬱勃七言
古間作初唐體律詩亦偶涉宋法百花詩為初集嘉慶間
最先付刻又自定崇禎丁丑以前詩為初集嘉慶間
同里張伯魁始授劑厠長短句刻入別下齋叢書餘
稿但有傳鈔異同互見似本分編數集羨門為其從
弟嘗從受經當時似避忌諱未為校錄他日有好事
者合而刻之哀然鉅
集當與松桂堂並傳

掉頭行

此甲系詩圖卷十七
九
礎惟擣嫁時裳宵光辭績潛相謝苛政催租黯自傷辛苦
田家鋤笠在孤兒他日便農裝

輓錢塞庵相國

首臚元輔浙人三接踵於公更出藍敢謂裴休通梵夾誰
知宋玉弔江潭仕塗終始歸邛北皇路參差出昴南太息
人間徒揜腕早留放下一茅庵

相國晚築
放下庵

南園北渚任春風芳草淒其怨落紅骨肉斷腸俱意外江
湖觸目徧愁中韋編晚絕方詮易南史初成旣表忠欲灑
羊曇無限淚西州非復舊時同

渡江

長江駭浪限東南當日降帆有舊漸擊楫空聞多慷慨投
戈畢竟爲沈酣龍天浩劫餘孤塔海嶽書生別舊庵聞道

瀟湘更無際孤鴻欲下自徘徊

舟阻邗關

淮海盤紆道路長羈人心事正茫茫江聲白日收殘暑夜
月青天在野航孤客豈堪聞謝豹嚴關何意困宏羊峭山
此去猶千里河水東流濟半黃

桐江夜泊

一路春山江影空雨添新翠落孤篷微茫小徑入雲去寺
在半天疏樹中

將西行

兵甲滿四野風雨路漫漫十步半荆棘誰言天地寬豈不
憚行役君親事辛酸大江浩無涯哀鳴急羽翰荒臺委白
骨抱此長恨端我行逢亂離豺虎塞巘岈存亡達義命敢

黃金臺成凡馬至騅駟駮耳俱遠巡凌雲詞客新得意驕
嘶高馬胡由馴彭郎掉頭仰天笑翻身歸釣西山鱸鱸魚
正肥蓴菜熟痛飲三日梨花春狂來忽走諸山上海水一
杯莽相向觀潮起色僕未能文園卧病人亡恙世上文章
那足論窮途意氣輕相讓丈夫落落非失意乾坤尙有容
汝地或可披裘大澤中不然去採湘江芰齷齷毋爲妻子
羞清狂不畏時人忌長安第宅高比天須臾烏雀羅秋煙
黃金橫印何赫奕指顧牛羊上墓田以茲感慨更投筆曳
杖歸山抱犢眠

鄱陽湖早發

大江風雨片帆開巨浸稽天入望迴五老參差煙樹合二
孤明滅白雲來樓船尙憶沈戈日高閣誰占作賦才南望

扁舟去欲別不別臨歧語躑躅悲歌惜晤篇六年江海各
烽煙漁人桃花隔蠻洞蜀帝炎荒叫杜鵑鍾山伐徧孝陵
柏史本竄盡思宗編君卧樸巢長卻掃搜詩自訂三唐稿
義熙處士一陶潛同谷哀歌惟杜老我行度嶺虔臺去腸
斷先臣盡忠處介推綿上只餘灰徐孺南州少遺絮天涯
蹤跡斷浮萍匿影枯桑息倦翎忽枉故人雙鯉訊挑鐙字
照三秋螢君今四十能高舉羨爾鴻妻佐春杵爲兒事親
之日長有母此身未敢許貞松堂上青扶疏不受秦官五
大夫春風藥闌雪寒牖羨君樂事無不有沈酣千日亂離
年花月七言文字友鄙人東海望清光目送南鴻一搔首
尺書爲我報相思遙折梅花爲君壽

避地村居

怨行路難再拜別所生忍痛摧心肝游子有老親恆言客
途安揮手各努力毋爲重汎瀾

埭溪眺月

埭溪鬱蒼蒼俯見白石路夕陰斂皓月坐久不知暮鳥歸
羣籟息夜景在高樹萬物自相依流水無心住溪光受山
色寒氣動宿鷺眾響空漸生人跡杳非故悠然立深更草
滴松上露

寄如皋冒辟疆

河梁與子一攜手雲在高天雁橫斗空江日落無素書千
里風塵隔杯酒憶昔避兵秦溪傍漁舟入口同倉黃荒山
橡栗飢戴釜淫雨泥塗足裹創我家兄弟半存亡枯魚淚
盡天茫茫嗟我君子憂高堂襍被翻然歸故鄉欲留不留

鄰叟時相就楊柳深村坐網魚

社日

竹裏山堂午後開櫻桃酒熱客頻來社中人少宜添燕春
半花多總讓梅晝靜棋聲連竹響香殘雲縷繞牀回塵緣
已絕閒無事抱甕疏畦手自栽

寄慰仲木亂後亡恙

相思經歲久離居咫尺山城萬里餘虎尾自驚逢柳陌魚
腸猶在恥專諸小人有母甯言死身隱無文敢著書隴上
耕夫方歎息未應憔悴老三閭

蕭山望海樓

危樓連野勢荒樹矗孤村一壑奔雷雨羣山赴海門帽簷
雲氣逼天角大江渾指顧分吳越長流屈水痕

策杖信所適看雲歸每遲秋風伍員渡海雨鮑郎祠竹瓦
鳴松鼠魚簪立鷺鷥干戈滿天地野老欲何之

再經雞山弔開美

一卧故林月千秋同所歸生還明主意宿草寸心違山色
前朝在溪聲萬樹飛惟應知己淚獨灑故人衣

雅山遇雨

怪石砢砢鳥道危屐痕扶雨過屣屣高厓草木深秋變眾
壑陰晴萬象疑殘月吐洲孤蟀滅枯松墜子野禽飢披榛
處處尋遺跡惆悵山僧總未知

避地賁湖和緯度

窮巷幽棲罷掃除前溪殘月上方諸紅塵避地經年睡白
眼看雲萬事疏篋草屢刪詩律細園花幾放酒尊虛還應

頭露已泣

潘問奇字雲程又字雲客號雪帆錢塘人有拜鵲堂詩

集

吳退庵日雪帆一生孤寂年六十外出家天壽山後歿於天甯寺揚州守傅澤洪葬之平山堂側為文志

其墓書丹則查士標也

詩話康熙丁亥遼陽傅澤洪育庵以拜鵲堂集與邢

江田梅岑埋照集合刻為二家詩兩人生易代之際

裴哀惻愴時見於言雪帆詩格清雄五七律尤多警

句如集錢冠六山居云殘春花外磬小兩竹邊樓張

符巘太守招集厲齋云落梅逢早蝶歸燕數春風南

口云戍荒盤馬地沙響射狐弓野眺云萬木寒堆雨

千峯靜立雲鄭州道中云雁鴻遠趁思鄉路鷹隼高

盤釀雪天清明後二日湖上即事云明月到樓纔是

夜桃花無水不成春流離河云積餘野火來秋色橋

枕河聲走夕陽抵家云疑夢不真初見母視家如客

乍歸人暮春清涼山小集云亂豕只埋千古夢青山

常弔六朝花李將軍挽詩云汗馬江湖流血沙場

魂魄笑歸人再謁長永諸陵云華表夕陽連宿草茂

陵寒食走飢龍子規樹老遊仙地翁仲雲深灑淚天

歸思

閒階露白草離離空館蕭條有所思紅燭夜殘歸夢後黃
花人瘦倚樓時山城亂杵催寒早官閣疏鐘到枕遲孤客
獨眠聽不得梧桐葉上自題詩

應搗謙字嗣寅號潛齋錢塘人康熙己未舉博學鴻詞

有潛齋集

詩話潛齋明季諸生國變後謝絕人事閉戶不復出
沈潛性理己未大科項眉山侍郎薦稱立身峻潔表
章六經力辭不赴試

東城步月

秋月照平畦流光皎如霰遙眺東城上一望成白練木葉
時始脫百步人影見繞汜共遨游行行過僧院僧院戶已
扃寂寂行人斷籬犬吠如豹復與疏鐘間言詠未欲歸枝

頓春華賀老絃紅豆不忘行樂夜錦纏殊憶奉恩年因君
細數梁園事羯鼓琵琶總杜鵑

讀姜雪蒼祝髮詩漫志

三生石上厭華簪火宅蓮華尙可尋天下有絲都繡佛眼
中何事不灰心酒旗歌扇人猶在箬笠櫻鞵路已深禪院
儻能攜我去一龕勤禮象王金

天壽山

金粟堆寒石獸眠六龍腸斷草芊芊晚山躑躅開何處春
社櫻桃罷幾年黃紙禁樵新約法白頭供掃舊中涓關情
最是民間壟昨日兒孫挂楮錢

秋興

少小襟期與世違布袍時復傲輕肥爲尋無忌棲梁苑曾

其嚴灘一首卽袁簡齋誤目爲張雲翼作者若甯武
將軍歌玉容歌爲思陵長公主小影作長安舊第行
西山覽古諸篇意擬錢吳才華遠遜唱歎
微旨庶幾近之選有宋詩啜醪語見集中
讀吳梅村宮詹蕭史青門引感而有作

尙有王孫淚淒涼泣路隅吹簫朱戶冷換酒寶衣無都尉
門前草平陽第裏烏重來逢白髮面熟舊宮奴
劫火摧龍種徒餘下嫁身前朝馳道柳往事鈿車塵戚里
巢新燕瓜田走庶人我吟腸斷句回首一沾巾

送梁協和歸南昌

名山如待我憤不在焚書亂世旌旄假真才禮法疏窗聯
三寸燭鋏冷十年魚羨爾章江上歸來有做廬

紅豆

故國龍孫竟杳然堂前燕子劇堪憐摧殘芳樹岐王第顛

如泉

情詩

驅馬出國門，擐鞭與君辭。我行豈云樂，生離有餘哀。永念平生親，流涕如連絲。况復多陰霖，行潦成汙池。駑馬已云罷，欲進忽復遲。聊復稍盤桓，故鄉猶可晞。前路邈何極，憂念生狂癡。

阻雨寄柴虎臣毛稚黃虞景明

春雨何冥冥，浮雲互相踰。童童蔽長路，車馬不得驅。故人在西南，高視綜羣書。陽春一以奏，下里徒紛如。伊余苦俗累，悠悠悵離居。棄置甯不傷，何以榮薄軀。仰視高飛鴻，安能與之俱。

晚眺

川原望不極孤客自登臺落日大荒遠平沙秋雨來青門
生事渺白石壯心哀歸思西風後空憐作賦才

春曉偶成

倚枕看山色開簾愛曉晴客愁偏對雪春夢不離鶯天地
悲歧路詩書誤此生不知鴻與雁底事厭南征

以所撰興福宮劇本授吳伶因寄伯揆商霖

玉簫金管自紛紛鳳吹鸞歌幾度聞曾見春前飛白雪敢
言天上駐遊雲行杯綺席花爭發秉燭銀臺日未曛休說
櫻桐人不辨可憐垂老卻逢君

寄諸虎男兼懷昉思

西湖攜手卽天涯慧日峯前浪滾沙別後青蘋逢打鴨到
時黃柳不勝鴉閒心閱世頭先白醉眼看春日未斜苦憶

樽前人萬里可無消息問京華

擬唐人長安春望

春衣初試覺微寒有客平原立馬看地迴煙光搖渭水雪
晴山色滿長安愁添白髮功名薄欲近青霄道路難日暮
宸遊歌吹發承恩闕下擁干官

俞焘字日絲秀水人諸生有石函集

詩話日絲與竹垞秋錦同時學殫文富而聲稱翳如
詩格雖未閱駿然方雅縝密致力甚深非苟作者

學春陵行

少卿牧海濱牛與犢交驅次公守潁陽神鳥集其都我無
兩賢德猥受竹使符夙興自策勵冀以答盛謨荒州介南
陘道路遙且迂巖壑相錯糾鬱鬱篁桂蕪停轍值猥狙束
帶逢麩麩不知魚米市但見蛇豕塗巨姦忽梗理荆甸爲

盜區鼓笳震九疑鋒鏑流蒼梧竭來卽摧陷百邑無完郭
春陵抑何幸乃得免毒痛山厖保耕稼野老全妻孥亮由
彼賊仁刺史甯有圖作詩見微意循綬媿久紆何當揚休
風一遣凋劫蘇

東山獨行

日射絕壁赤羣峯互相矗生煙泄翠微羈鳥散榮木幽徑
取縈迴佛廬在巖腹遙見僧出溪石橋人影獨土平作新
田岡缺成小屋其間千仞屏岷嶺亦不俗陰崖豁爲門俯
瞰氣渾穆疑有太古碑吾欲縋繩讀

登永壽寺舍利塔望岱嶽太行

南颿越千里刺眼無寸山一登高迴處非復河衛間乃知
寶王剎峭崿俯四寰手揮白日冷足躡青雲閒天龍與天

馬宛在戶牖踰雙鬢一朝盡黛色如可攀直疑飛鳥外足以恣往還昔賢已自詫况我塵土顏

村落

村落猶淳古艱難假蔭宜釀錢春社日散酒夕陽時耒耜謀鄰姥衣帽報塾師朱方方帶甲好與一邱期

康小范彭燕又秦汝翼近修師同盟諸子集家仲草堂汝翼與師留宿西軒談越州事竟夕

不見甯三歲相逢且一杯黨人元節老家國子山哀脫帽當秋水飛觥壓晚雷葉潭花嶼色直映歎歌開高人還嶺表名士到江西亂後船新刺樽前袂重攜疏篁涼夜簟淡月曙窗雞滿抱冬青恨吞聲話會稽

上曹先生溶

初衣無恙芰荷青邱壑從教白石局人爲花陰留好鳥自
於泉上置孤亭雁門守至慵時款匡嶽僧談喜夜聽尙有
洛神忘未得紅牋繡筆賦娉婷

清渭終南不復知隱淪故舊獨相思坐來祇自論魚釣門
下猶能揖馬醫櫪具久爲桃氏賤賜夷甯免鞞人嗤何當
軌匠勤勤及斗藪塵冠意更遲

周篔初名筠字公貞更字青士又字簞谷嘉興人有采

山堂詩

詩話青士遭際時變不治舉業受屢賣米府城破時
有括故家遺書鬻於市者買得一船積樓下每日中
交易輒於箕筥糠稭中撥亂書讀之窮年不息其詩
清超拔俗醉書五言云似土不游庠似農曾讀書似
工不操作似商謝奔趨時
人稱之可當一幅寫照

醉書

似土不遊庠似農曾讀書似工不操作似商謝奔趨立言
頗突兀應事還麤疏饑凍不少顧吟詩作歡娛吾家濂溪
老厥愛性芙渠汙泥出不染亭亭紅玉膚伊余性閒靜車
服鄙雍都孰是菰蘆中奇偉生東吳兒寬精問學帶經以
耕鋤鮮終迫衰老疇昔亦有初

春夜同友人南塘散步

遠樹超寒煙孤松立清露茲夜同幽人蹋月如秋暮犬聲
出深林柳陰暗漁路爽氣生薄涼水明散餘霧於懷乃曠
然會心若有悟山城疏漏沉野寺微鐘度

寄彭仲謀兼柬令弟羨門

文人更相輕此事古已然況今衰薄日趨下誰從屠釣推
貞堅鹽官獨有彭夫子汲引幽遐世無比郭泰人倫許劭

評坐合末俗敦懿軌胡山天岫陽羨一書生賣藥來棲海上

城新詩滿篋不堪煮瘦妻病母愁空鑄君能裹飯相尋數

不使顛連赴溝壑屬和羊何世並稱謝家羣從多名作吾

宗福柱白門纔弱齡亦有林生枝初發礪昨者攜詩走門下

辱君獎借增光熒歸來佳詠相傳示賤子姓名蒙錄記無

鹽刻畫難作容小巫神氣徒深愧海內名高汪苑與王士

正婁東吳偉業合肥龔鼎不可當清真共挹王方伯庭雄健

皆推曹侍郎浴吁嗟我黨多貧賤朱彝李繩遠符良才華

世方見漸川隱者俞汝釋東關通復老成得自千錘鍊杜陵

堦平聲譽早著聞番禺屈子尤不羣陸嘉姜宸李因顧武及

三魏際瑞禮直上皆欲干青雲自餘才俊分超軼推挽後

先安可失讀書曾不慕浮榮僕與南村繆承同矩律令弟

孫從知慧業深許身直欲比南金辭官虞寄多幽興卜宅
陶潛有素心清文秀句人爭誦博取諸家能錯綜連舍相
呼應不遲青青池草西堂共企望風流今幾春何當攜手
作情親他時儻遂觀濤約並挹瓊枝玉樹新

懷竹垞維揚

作客惟君近江都五日程開春難接面望遠獨含情綠蟻
浮杯溢紅椒映燭明不知東閣外梅蕊幾枝榮

徑山山半亭題句

琳宮望不極山半尙雲封忽斷巖前樹遙聞天外鐘結亭
人暫息題柱墨猶濃待陟凌霄去還愁冰雪重

送別沈墨庵

以我窮途淚沾君遠客衣霜清殘葉下風急斷蓬飛朋侶

分攜盡江湖生事違空憐卧巖壑重此掩荆扉

將出門奉簡蔣大鴻

會稽嘉遜擬追攀孔阮風流共往還誰分投軀將萬里翻
憐歸夢失三山塵沙那避人間世霜雪行摧客裏顏最憶
吾文勞點定夜深燈火傍禪關

曹掌公達夫彝士昆季醉歸墮水戲以此簡

蒹葭白露早爲霜乘醉歸來興益狂賀監偶然眠水底秦
風宛爾在中央浴沂此日休相笑觴洛先時去不祥靈運
只今佳句在多緣春草近池塘

村居

投閒猶復畏張羅抱剡衡門獨嘯歌遶屋竹深秋響急隔
溪山好夕陽多三年晚食充藜藿九月寒衣問薜蘿欲向

桐江尋隱逸不知何處有漁蓑

飲橘鶴樓追悼沈武功

魏水扁舟去復還春風落日叩禪關傷心橘鶴樓頭醉不

見題詩沈朗山

呂師濂字黍字號守齋浙江山陰人有何山草堂詩藁

詩話黍字裔出相家甲申後散財結客好談兵慕徐文長之爲人徧歷九邊游滇南爲幕府上客後乃去之粵閩而歸其蹤迹頗奇詩豪邁不羈時寓滄桑之慨

簡邵村并煩致意樓崗令兄

絕塞得生還修髯驚半白當年驄馬聲道路猶藉藉初逢
廿四橋飛觴弄秋月重晤苴蘭城裁綃畫奇石堆塚硬於
冰媽潤柔無骨氣勢欲飛翔風煙恍出沒米顛首必稽李
廣弓思射擣鍊可補天煮餐或拔宅臨池饒媚姿得句果

昨昨言匯卷十七
三
秀發自君返白門屈指歲一隔從來曠達人只抱林泉癖
倡和況元方足以樂晨夕爲予道相思窮愁今更劇

老柏行

太華之柏高十丈我來避暑坐相向骨硬皮堅勢矗天何
異傑士老益壯依崖逼水鬱如輪一枝斜放驚心魂初疑
綠鳳銜花舞再怪蒼龍挾雨歎天之產物各有說柏也槎
枒耐冰雪不同桃柳鬪先春愛與松筠敦晚節聞爾植自
沐黔甯雅共衣冠際太平葉上常呈甘露瑞枝頭曾見彩
雲生半壁河山盟帶礪家家歌舞風前醉雨暘時若燥涇
宜草木都霑天子惠從經兵燹變風雷琪樹瓊葩付劫灰
婆娑翠色還無恙惹我靈光魯殿哀昔日孔明廟前有杜
陵野老悲歌久今朝何事到山中逢爾如逢歲寒友要知

造化豈敢私棟梁之用須待時翻愁材大人偏棄借問工師知不知

御香歌

陽羨才子陳其年逢我淮南之崇川此時天意欲舞雪狼山五點凝寒煙凍柳僵梅渾未放約上揚州腰無纏陳也擎出金銀顆珠圓玉滑紛盤旋誤疑海上不死藥服之或可求神仙那識此是都梁屬薰衣隔月香猶黏世廟寵賜顧冢宰公孫好事今誇傳試焚一丸消懣悶幽蘭叢桂圍當筵載焚一丸解煩渴滋喉溢齒將流涎火毬半燼篆煙綠鳳凰髣髴鬖雲端洵爲天下難得物玉蕤石葉浪值錢憶昔吾祖參廟謀中安外攘功名優綸扉勞瘁十三載始蒙予告林中投復賜黃金營甲第恩深養老娛春秋誰釀

西陲熾妖火未央長樂俄荒邱羣盜縱橫鬼晝哭青氈舊
物鮮遺留傭書餬口豈得已眞慙弗克承箕裘請將餘香
一一收畏聞往事先生休我今從此學耜耰汗邪蕃熟滿
車篝衣食之外無他求嗚呼芳草實貽王孫羞

聽蓼菴處士彈漢宮秋

雪雲垂幕風颼颼天荒地老客倦游多君開手撫玉軫悽
清彈出漢宮秋初如洞庭下木葉復如灩澦瀉寒流得無
酒徒擊別筑得無嫠婦泣孤舟又疑猿啼向空谷又疑雁
叫落高樓借問此曲聲何悲合我忽憶國破時先帝有琴
曰翔鳳玉熙宮裏常攜隨時當中秋開夕讌袁妃歛衽彈
關雎意靜指閒人月下商流羽激聲雲飛星河斜度仙人
掌鸞鶴齊鳴百子池玉槃進酒葡萄煥一揮再鼓天顏怡

須臾寇盜肆竊發衣宵食肝籌征伐無復重聞金縷衣何
曾還對絲桐月翔鳳無端霹靂鳴朱絃一一如刀截至尊
慘澹竟攢眉宮妾驚惶羣吐舌事在甲申春之初傳其說
者中涓吳不道三月十九日乾翻坤陷龍鼎湖嶧陽之桐
識治亂八音遏密鐘虞換金枝玉葉坐彫殘鳳尾誰憐應
出爨吾民從此憶薰風師曠師襄逐斷蓬臣本恨人聞苦
調依稀淚帶甲申紅翔鳳而今安在哉手琴囊鏢亦休開
亟須滿飲三百杯將愁遣去無使來

贈宗先達半隱先生

耆舊今誰在吾宗叔父行文教天下讀史故井中藏蓑笠
辭三聘琴樽促半牀非熊空有夢安穩釣溪璜

天半峨眉雪從瞻地望高寒侵蘇武節光助呂虔刀六月

冰如玉干巖松作濤結廬塵不到猿鶴自周遭
小子飄零久羞歸總故鄉無才應哭路多事悔浮湘浪說
依劉表空思繡孟嘗不如仍麴蘖日日竹林狂

陟山頂上度重陽節

望中樓閣似仙家徙倚渾疑泛渚槎愛暝柳條依舊葉避
寒梅子盡情花不韋城上長含霧諸葛祠前爛吐霞去歲
登高無此景且拋鄉思醉天涯
吳越如今霜柏肥炎方且得緩寒衣但違吾土登樓倦欲
笑參軍落帽非客重屠沽投臭味秋誰瘦健向庭闈東來
一片傷心雁恐有鄉書莫卽飛

早發姑蘇

放舸金閶曉露晞霸圖懷古欲霑衣城邊不見要離塚草

上低看黃蝶飛

廣陵冶春詞和阮亭先生

寒食籠煙惹恨時
河山依舊對芳卮
歡人莫上梅花嶺
丞相墳前叫子規

苴蘭送春

五華寺上散斜暉
怕向江頭看翠微
多事莫如雙燕子
還銜春色故宮飛

陳洪綬字章侯號老蓮一號老遲諸暨人明監生有寶

綸堂集

詩話章侯工畫人物懶於題詠偶有所作皆於真率
中見風趣詩不存稟其老友姜綺季見章侯詩輒錄
積久成卷章侯心喜因自爲序歿後毛西河復爲之
跋朱竹垞稱其詩頗饒韻致惜流傳者寡明詩綜僅
錄其桃花馬上絕王漁洋感舊集錄憶舊一絕末
句云神宗皇帝太平年可以怨矣全謝山題老蓮畫

云白門待詔眞界兀此頭可斷腕不屈名王爲喚美人來一笑揮毫怪咄咄酒闌午夜夢魂醒翩然而逝疑飛越誰言此老空清狂箇中心事良勃窣故都已哭鍾山陵故鄉重弔青藤碣板橋花柳逐逝波剡谿松楸傷野窟蕭疏爲寫歲寒姿春花傍得冬林茁招魂一曲萬古愁中有崎人不朽骨

陽穀縣遇賞祁之問林上庵卻寄

賞生遇陽穀爲述君高跡賣田結茅宇乃在寒山東設榻傍修竹避人入深松老僧語夜月瘦鶴舞秋風有酒能獨飲舊侶常不同卽與同飲者道人浮海翁書繙老莊子作詩弗求工齒豁髮尙黑食少肌猶豐體氣雖強健頤養復有功是爲隱君子悟道徹始終我復世情深乘亢不自封去家十餘里偃蹇江海中知君篤念我恨我不能從

山居

小亂入城好大亂入山便在昔用斯語於今則不然盜賊

滿山時豈能此獨全父老爲我言此地久安眠萬山擁其
後千山護其前灌木萬餘株清流繞其邊曲徑十餘里危
石懸其巔不惟山水好而又有山田不惟山田好又有美
竹焉有麻果如絲有栗果如拳有梅匝茅屋有蘭可成阡
相見皆古人不分愚與賢亦少衣冠人豈復肯守錢其風
不凋薄或可免顛連吾將攜婦子釀酒樂堯天諸子漸長
大課讀兼課佃斫竹學織簾讀書功不捐無米拾橡栗聊
以續炊煙探奇既有梅採藥將學仙佩此王者香一撫猗
蘭篇

同遠林卜居山中

遠林非入山不足以娛老此山非遠林山靈亦不好遠林
非我來安得少煩惱爲我山之中多結一龕草推車兩小

取册余言圖卷一十一
兒負書一媪老筆札以資生就君學幽討所喜老得朋豈
謂身可保避亂遼海東此言何足道

飲竹溪席上與主人九元居士

春事尙未始春山得暢遊有人邀我飲況在溪東頭修竹
蕭蕭響梅花落其洲倚竹看梅罷山遠竹影稠看山野雖
曠何如竹裏幽有酒速勸我落梅青溪流興趣誠不已梅
花安可留

約王予安同入雲門爲終老之計

王老卧草間才子爲朋友才子不得留霜林泣老叟父母
之常情願子得長壽亂世之生人安用期長久君擔經幾
函我負米數斗雲門六寺間可以老死否請觀五月間干
人斷其首太史得善終文名又不朽抱腰連手行慎弗謀

諸婦

贈沈子其

無山成僻地獨樹得名園看畫不招客灌花長閉門留吾
好友宿呼婦索清尊伯藥西園意爲君寫此軒

喜周元亮至湖上

獨脫烽煙地同尋菡萏居半年兩握手十載幾封書人壯
吾新老兵銷會不疏此來難久住一笑一欷歔

病中

病不離山水茆堂春又深書從老友借詩與小兒吟禹廟
花朝過蘭亭上巳尋漫言攜藥具煮酒勝燒金

懷朱集老

酒泉太守老醉翁養和藥囊半疎桐恍之以死耳邊風自

言不死化癡龍雪夜月夜呼巴童傾杯覆碗四五通刀槊
殺聲滿虛空躡屩刺天之危峰背負鴟夷無戚容持螯牛
飲眠高松吾懷此老吾欲從

懷季栗

若耶溪頭魯太史烏帽白欄釣秋水面朋面友生不喜揮
杯勸影破屋底磨碣之宮窮鬼止奴僕隸之得無死齏粥
一杯課兒子就我移家萬山裏贈我藏書娛暮齒為我豎
義挾精髓令我老學有端委吾懷此老五十矣我同季老
皆老耳

全綺季

松風已聞三十載卻與姜九不曾聞買個筆牀隨汝去三
生石上卧秋雲

夜雨聞杜鵑

帶雨拖風望帝鳴，無情強作有情聽。
一生通是今宵夢，不見章臺柳色青。

宿遷別陸九萬

龍華會上路茫然，誤結浮生華酒緣。
別去雖聽座上語，夕陽西下聽啼鵑。

柬登子

留得尙書舊簡編，朝暾夕照讀頽然。
有時得意嘗沽酒，燕麥花香一榻眠。

卽事

一百五日春郊行，三十六溪春水生。
千秋館裏逢雨急，射的峯前看晚晴。

偶成

菱草青青水滿湖湖邊鵝鴨自相呼日長睡起捲簾坐閒聽漁舟喚賣鱸

懶聽門前長者車有田堪種水堪漁是非不入松風耳花落花開只讀書

劉灼字伯繩浙江山陰人有遜齋集

詩話遜齋為念臺先生子國變後杜門讀書念臺嘗取小戴記重為編次益以夏小正丹書通號禮經未及寫定遜齋終身從事此書旋即下世其子茂林始克成之

山齋自警

迷鳥不擇林渴馬不擇泉恆情此汲汲志士獨未然盜泉豈偏濁惡木非不斲君子惡其名豈為乾餱愆箕陰遜許由夷叔卧西山雖然跡艱苦素志不可遷人誰無此志我

獨被牽纏老大嗟何及誠之貴當年

俞得鯉字天赤會稽人明諸生有種月軒遺草

景州城外

曲路重關小有天招招酒旆解留仙荒城古塔凌霄漢古
樹層臺薄晚煙燈火前街人似沸雞聲寒店夜如年千般
總是征途味留得霜華到鬢邊

蒼頡墓

人心不太古忽然生蒼頡鑿破混沌元造字開知識天地
不能主鬼神徒夜泣文明世不窮荒塚銷白日

蕭中素一名詩字芷厓江南華亭人一云蕭山人明諸
生有釋柯集

詩話芷厓隱於梓人集名釋柯謂出自引繩削墨之
餘諸選多作執柯誤也集中自稱名曰中素別裁及

江蘇詩徵皆作蕭詩詩徵又引留溪外傳言本蕭山
諸生國變後居雲間為木工觀集中冬日南村偶成
云幾家橘柚垂秋露萬里河山徧朔風秋有懷寄
顧冰庵云絕塞曉霜來白雁空山秋雨病黃花秋懷
和陳大樽韻云舳艫夜月悲橫槊疆場秋霖未洗兵
秋居雜興云青山蹊路煙雲隔滄海波濤日夕深皆
不類鄉曲未藝語易代之際崎逸高蹈留溪外傳之
言殆信年八十作述懷詩雲間嘉禾詩社諸子用峯
字韻徵詩為壽附刻集後曰南山集凡五十六家同
時有富水李衣工亦能詩與芷厓齊名又有胡玉如
鐵工為芷厓詩弟子

述懷寄奈峯董得仲先生

南村有遺叟寂寞居河濱一褐常見肘數椽聊寄身所志
在不苟食力其苦辛閒來把直釣終日無纖鱗晴霞映眉
宇野水光粼粼坐久發清嘯怡然全我真古樹落高蔭遠
水懷故人於此頗有得毋謂於陵貧

柬胡玉如

十年招隱士杖策走荒蕪我癖將無偶君來始不孤於陵
還織屨南郭恥吹竽莫爲浮名悞低眉向畏途

題徐湘波儼然屋

杜曲桑麻舊隱淪草堂深掩落花津平橋古樹溪邨午宿
雨荒煙故國春一榻久懸頻歲月十年高蹈隔風塵吾儕
擬泛仙源棹攜手慙慙說避秦

秋居雜興

雲樹依然渤海東短墻蓬戶怯秋風波濤亂湧旌旂合禾
黍荒涼第宅空曲徑晚香存野菊長天寒影見征鴻郊原
獨步新愁滿一杖低回夕照中

千門柳色近蕭條白下樓臺蠹絳霄江口舳艫連鐵甕月
中絃管亂銅刁高牙大纛將軍幕碧草黃雲帝子朝欲向

雨花參半偈片帆無計渡金焦

己酉除夕

寒煙漠漠雨濛濛萬井千村暮靄中
盡道歲除殘歷改因嗟身老壯圖空
辛盤佐酒猶存古草閣題詩不送窮
回憶共遊頻屈指白頭能有幾人同

馮元仲字次牧慈谿人有天益山堂遺集

詩話次牧在明季嘗被薦詣京師上書論時事言甚直銓曹授以縣佐乃辭歸築室郭東山改山名曰天益因以號其堂家故饒鼎革後貧不自聊終隱居不出其集至乾隆中曾孫廷楷始手錄付刻凡言明事跳行空格校字諱作較蓋存稿本之舊詩多自出新意七言律句有云忍遺虞玩之芒屨畢著陶元亮葛中樂郊卽樹木相讓思谷雖雞犬不驚皆以下五字相屬爲句雖亦戛戛獨造要非正軌也

五磊寺濯錦溪

尋常花影何須濯獨有梅花心不落誰將錦字洗清流一

片浮雲填夜壑石豈無言泉欲香高高下下非穿鑿聽得
煙聲萬樹籠杖頭何用誇行腳

玉泉山尋望湖亭不見云已圯矣與友飲其址

石梁過溪去木末一孤亭剩有階苔碧不知湖草青聞曾
留玉輦因共倒銀瓶酣醉尋歸路桃源付窅冥

和姜如須見貽韻

同醉水中居都忘蝕字魚熱腸初得友嬾骨止慙予一讀
驢囊句如貪鴻寶書孤山梅正好吾道引雲旛

晚晴篋詩匯卷十七終

謝靈運賦食嘉實善瓜山嶽五我昔遊侍德輿

同輶木中留勝時歸寧虎然題而翰文獻骨土懣干一

殊美賦以具銀詩

晉王荳因共歸疑然酒輶轉識強游賦什皆具

白梁懸露走木末一瓜亭陳容謂苔響不賦斷草青開會

正深幽靜整時亭不景云日出矣與文對其他

徵蔡萬機歸賦而何則奇行賦

異符更與更雅寄遊飛南泉冷香商高平不我我

晚晴移詩匯卷十八目錄

屈大均 三十六首

陳恭尹 十七首

杜濬 十九首

杜岑 六首

王猷定 八首

李世熊 七首

賀貽孫 四首

陳允衡 二首

魏闕 四首

余畬 三首

黃居石 四首

楊應麟 一首

郭勸 一首

郭嘉屏 一首

醉嬌

一首

醉嘉氣

一首

黃鼠

四首

謝惠

一首

與陶

四首

余壽

二首

賈韻

四首

刺武

二首

王煇

八首

李出

十首

林翰

十首

封

六首

風大

三十六首

刺

十首

與薛 詩 附 卷 十八 目錄

晚晴移詩匯卷十八

徐世昌

屈大均號翁山番禺人有道援堂集

詩話翁山少丁喪亂嘗逃於釋氏名今種字一靈又字騷餘晚乃返冠服詩自謫仙入念亂憂生盤鬱哀豔又以初遭鼎革每多故國之悲燕京述哀日陰雨煤山樹君臣各一枝內城吹角急前殿擊鐘遲西山口攢宮日血灑海棠中使見神歸天穴貴妃同真孤倉卒人難託微服艱難路不通述思陵未造事語至

沈痛

過大梁作

浮雲無歸心
黃河無安流
神魚騰紫霧
蒼鷹擊高秋
類此雄豪士
滔滔事遠游
遠游亦何之
驅馬登商邱
朝與侯嬴飲
暮為朱亥留
悲風起梁園
白草鳴颼颼
揮鞭控鳴鏑
龍騎如星流
超山逐羣獸
穿雲落兩鴛
歸來晏吹臺
酣舞雙

明倫彙編 卷一百一十八
吳鉤驚沙翳白日垂涕向神州徒懷匹夫諒未報百王讎
紅顏漸欲變歲月空悠悠

與諸兄弟飲射作

鯉魚何盤盤瓠葉何幡幡弟兄相燕飲其樂如新昏戶庭
無外侮絃歌有餘閒人生無幾何骨肉相好難兄友而弟
恭所以承親歡親歡承不足張侯在中谷兄射中熊羆弟
射中鴻鵠鴻鵠比其翼熊羆同其力

孤竹吟

我行逾萬里徬徨思故鄉黃鵠雖失所不從燕雀翔駕言
登孤竹東北望邊疆驚沙如白雪殺氣爲嚴霜游子一何
微落葉同颺颺獨智世不容接輿久徉狂神龍爲螭螟白
刃莫能傷大義劫天下湯武誠不祥夷齊憂無臣叩馬空

慨慷白日何昭昭浮雲復茫茫吁嗟命之衰揮涕歸首陽
古意
妾有大秦珠嘗含明月姿明月虧有時妾珠光不移朝懸
妝鏡臺暮繫紅羅衣君心不可照持此委沙泥願得青鸞
鳥銜將贈宓妃

答陳宛平

與子結交初有如天上月三五光未滿已憂蟾兔闕浮雲
不在多蔽虧在毫髮沐浴天河水金波期不沒君爲啟明
東我爲長庚西與月相終始黽勉至晨雞

送從弟無極歸里

雲中有二老采薇何從容洞房隱青巖卉木交蒙籠處幽
含聖神被我太古風我祖蹈雲天窈窕相追從離騷合經

明齋詩話卷一
二
術規諫心無窮子其玩微詞追琢爲楚風讒邪譬雲蜺君
子喻虬龍金相而玉質驚采開童蒙

重華託神仙解體升九疑離宮若雲浮欲陟無天梯垂衣
接萬靈棄我獨如遺熒熒在中野熊羆鳴相追弟兄貴急
難骨肉無乖離子能禦外侮羈旅吾何悲今朝途路窮雙
鳧忽分飛商飈吹白雲悵望徒沾衣

琵琶行贈蒲衣子

王郎好音能琵琶千愁萬恨歸邊沙明妃紫臺作胡語公
主烏孫思漢家慷慨惟憑馬上樂淒涼豈必軍中笳新聲
鼓出好詞曲三日一調勞紅牙古詞元人百雜劇新曲牡
丹兼浣紗伯龍紅友供繁弄酒酣一唱三咨嗟改調高彈
颯風雨攢點忽似更蝦蟆手搗口歌聲若一絲肉紛飄如

飛花小聲吹裂漆箏篋大聲操亂漁陽搥自矜琵琶與琴
應眩精駭耳非淫哇一一暉音合清濁上腔下柱同整斜
十指絕光若驚電雙袖奮影爭流霞亂擊空中白翎雀橫
奔塞上拳毛騮毛血淋漓儘揮灑又如胡漢相紛拏大雷
小雷響四迸天驚石破愁女媧兒女呢呢不得語恩怨爾
汝潛相加緩調平絃有時倦掩抑奇態嫌空製聯綿斷續
轉嗚咽又如縷瑟瑟匏巴一激一昂真當泣哀歌銷盡情
萌芽鴟絃石槽兼鐵撥翻嫌古法多喧譁逢君但乞飛龍
引發揚蹈厲除姦邪鎮西更作大道曲羅襦胡牀臨闥闈
阮咸淒鏘竹林下風流豈似君瑯琊我今煩冤神越散大
招須君爲景差不然節奏盡傳我十調五調成豪奢一枚
昨致惠文婦槽用香楠連木瓜得曹左手裴右手亦可持

晚晴雜詩卷十八
三
慰吾秦嘉琵琶弟子君多少中有幾人顏如茶楓香定移
西樓女鞋帶可記楊家娃得君琵琶諸楔子輦婆舊譜甯
足誇梳山音律此一種教坊買斷傾金車王郎王郎爾莫
苦埋憂國腹如丹砂天際真人既有此北窗跛腳殊風華
王不菴作卧龍松歌爲余壽詩以酬之

黃山山上多怪松半生石笋半芙蓉芙蓉石笋亦松變有
一不變爲卧龍龍本無形以神化真形往往與松同龍之
隱者但高卧人不見龍見髯翁髯翁鱗甲多怒決柯如蒼
銅枝屈鐵引根十丈始作榦榦雖千年如萌葉霹靂橫將
偃蓋傾蛟螭爭向輪囷結夜光有火出空心日炙多膏流
斷節一枝一榦一尺蠖求信且復依巖穴山僧寫圖貽我
看王子作歌含淒咽尺寸得空自盤攫縱橫穿土苦羈紲

峩峩千尺乃無勢幸因奇醜免摧折五鬣短短少波濤聲
似風雷畜未泄苦心愛此一樹怪自少摩挲至大耄蹒跚
尙有尊足存支離乃是鬼神設臃腫何須規矩中斧柯且
喜薪蒸絕雖然久螫非泥蟠撐出丹崖作遺子石破天驚
自小時後凋憑爾存孤孽本是軒皇昔所種手術至今乍
明滅當年且戰且學仙霜根留得元黃血灌溉頗用朱砂
泉滋潤微疑太古雪浮邱無力治拘攣容成有意引寥泝
黃山諸松此最古兒孫萬萬丹臺列卧者天淵自高深立
者棟梁久顛蹶君指此松爲子壽意在不材能斲蠶螻蟻
頻容蝕茯苓藤蘿一任爲瓜瓞松黃落地成古苔松子滿
天低可綴君在黃山亦一松莫教化石存楮拙一松孤作
老人峯秦漢來封久不屑卧龍復有擾龍好繚繞數峯出

巖嶂一松飛作天生橋一松倒生更奇譎煩君添作四松
圖置我松間長用拙

秣陵

牛首開天闕龍岡抱帝宮六朝春草裏萬井落花中訪舊
烏衣少聽歌玉樹空如何亡國恨盡在大江東

攝山秋夕作

秋林無靜樹葉落鳥頻驚一夜疑風雨不知山月生松門
開積翠潭水入空明漸覺天雞曉披衣念遠征

雲州秋望

白草黃羊外空聞鬢策哀遙尋蘇武廟不上李陵臺風助
羣鷹擊雲隨萬馬來關前無數柳一夜落龍堆

太華作

仙掌三峯立天門半壁扃蓮花圍白帝玉井出明星橫度
蒼龍磴高歌落雁亭河山襟帶盡兩戒據天經
昨夜聞長笛依稀鸞鳳音三峯吹落月一半駐空林人道
水簾裏玉姜時弄琴神仙不可接悵望白雲深

釣臺

富春山萬疊雪映釣臺青予若桐江月長隨漢客星寒猿
吟石壁白鷺落沙汀漁父頻招手廻舟入杳冥

魯連臺

一笑無秦帝飄然向澠東誰能排大難不屑計奇功古戍
三秋雁高臺萬木風從來天下士只在布衣中

自白下至樵李與諸子約游山陰

最恨秦淮柳長條復短條秋風吹落葉一夜別南朝范蠡

湖邊客相將蕩畫橈言尋大禹穴直渡浙江潮

人日衡陽道中

人日雪霏霏孤舟上翠微帆隨南嶽轉雁背碧湘飛知己
惟長劍還家復短衣猿聲如送客薄暮更依依

漢口

漢口清秋夜雲霞寒亦稀新潮隨月滿落葉帶螢飛白首
難孤往青山欲早歸憑誰報慈母游子有寒衣

淮陰侯

淮陰當未遇一飯亦無才天欲王孫餓人慚漂母哀釣魚
城下去帶劍市中來笑謂晨炊者英雄被爾催

艱難惟一飯天肯與王孫草昧多如此英雄不忍言漢興
因婦女臣節在壺飧誰分宮前草離離是血痕

舟入新興江將訪柴子有作

不知江口水聲分舟入千巖只爲君春盡林香猶作瘴雨
餘山氣未成雲白魚捕處禽多翠甘草銜時鹿有羣咫尺
松杉煙靄隔一峯長嘯萬峯聞

春日曲

辛苦黃鶯汝聲聲爲別離盡將閨裏意啼與落花知

山陰作

秋霜一夜凋榆柳馬上征夫最早寒邊女不須歌入塞故
鄉明月夢中看

秋夕黃陵作

秋夕江潭寐不成林空烏鵲亦多驚風吹不盡瀟湘葉散
作天邊秋雨聲

客雁門作

三年作客滹沱聽盡哀笳出塞歌
白髮不驚明鏡滿秋霜只怨雁門多

柬趙子實

雙淚天山灑翠微生憎鴻雁入關飛
望鄉空上昭君墓一片牛羊共夕暉

江上望南嶽

五峯雪作九江水迴雁晴連嶽麓
雲未到朱陵仙洞口鐘聲已隔碧湘聞

放歌行爲潘子壽

丈夫五十髮未白痛飲狂歌真可惜
神仙富貴兩蹉跎徒作諸侯一賓客
尉陀城南十月時梅花開早菊花遲
與君

往往談王霸笑殺當壚嬌女兒我在山中無素業清高亦
與屠沽接道成不肯居神仙氣使翻然作豪俠英雄自古
一浮雲求道應從鸞鶴羣有金且買東方妾有酒且醉信
陵君縱心寫意無不可聲色之中知是我天生我輩自長
生不似二豪爲蜾蠃

鍾山

高高雙巘削屏風紫翠晴飛萬井中一自軒皇成寶鼎遂
開天闕作元宮千秋龍虎歸眞主六代煙花送狡童歲歲
貂璫馳傳至櫻桃春薦思無窮
蒼蒼輦路但斜暉日出衣冠事已非六代松楸辭玉殿中
峯陰雨見龍旂蠻奴小隊呼鷹過游女春魂化燕歸多少
哀笳吹不散五雲猶繞御牀飛

紫蒙

紫蒙近接黃花戍黑水斜穿白草軍一道榆關兼扼海雙
峯碣石故干雲天生飛將都無用人是長城獨不聞愁絕
遼西征戰後兩河燐火夜紛紛

秋夕別岑公

一片他鄉月秋光亦苦辛每從風雨後來照別離人

子夜歌

熒熒桃李花薄命寄君掌河水雖東流河魚自西上

歸風詞

南越輕綃似碧雲裁爲飛燕御風裙中流舞罷將仙去萬
歲千秋復就君

霍州道中

太岳青蒼接太行河汾襟帶勢何長白雲冉冉隨行客春
草茫茫入戰場

陳恭尹字元孝一字半峯晚號獨漉子順德人有獨漉

堂集

詩話元孝少遭家國之難間關江海飄泊無歸憂憤
之志一形於詩及三藩之變以重名爲時所忌下獄
二百日得脫乃築舍羊城之南韜光和俗以詩文自
娛其詩真氣盤鬱激昂頓挫在江南所作懷古及虎
邱題壁諸詩尤傾動一時王漁洋謂其清迥拔俗得
唐人三昧其卒也有殄瘁之歎杭大宗弔以詩云南

村晉處士汐
社宋遺民

虎邱題壁

虎跡蒼茫霸業沈古時山色尙陰陰半樓月影千家笛萬
里天涯一夜碁南國干戈征士淚西風刀翦美人心市中
亦有吹簫客乞食吳門秋又深

宿高臺寺

山南勢盤鬱開豁獨斯字中天置茅屋上與祝融伍階下
俯眾峯窗間括南土夜冥江火近日出寒檐雨托宿此最
高終身未更數

王將軍輓歌

南方有義士姓王名曰興十三學殺人十五手搏狼三十
建義旗姓名驚一方天子錫虎符作鎮鼉江陽翠華日以
遠地絕軍彌張百戰環岡州九死披殘疆海濱富斥鹵重
林與連岡高者掩雲日遠者浮滄茫煮波致財貨鑄冶成
刀鎗宮室何所居天家侯與王藁粟何所饋從駕子與孃
心膽何所贈海內豪與英獻客合浦珠薰客珠厓香客處
未覺寒襖禔先盈箱客寢始覺單妖麗忽侍旁敵兵四面

來眾士各逞強將軍躍上馬命客持一觴獨出揮長戈兩
目流電光直取首來將生挾歸戎行顧飲所持酒昔熱猶
未涼相持及三月敵騎皆奔亡來時三萬人半還仍重傷
奏功自間道涉瘴徂昆明黃金三千鎰玉帛各有筐天駟
方驅馳下臣效芻漿臣興昧死上帝曰興卿良賚爵列五
等高獸盤銀章其名曰虎賁將軍盪南荒敵人聞之懼選
士盈千騎來者左右賢其軍督責之不得此彈丸若輩何
生爲上天仍助虐其年兼荐饑將軍察天命命匠撻良材
斲以爲巨棺綵雩懸葳蕤約日出合戰敵怯不敢來堅壁
十里外迤邐興長圍溝壘內外防突援無所施始從戊戌
夏兩及中秋期戰士飯草土抱骨環登陴所憂負將軍吾
儕死猶歸將軍曰嗚呼共盡終何裨我乃報深恩汝當存

宗支乃命幼子九先出卑其辭卜吉結歡會敵將不致疑
是夜一更終將軍訣所知皎月當中天千秋同此時語已
還閉門沐浴更裳衣夫人翠鳳冠有母頭如絲侍妾十五
人左右皆肩隨肅肅何離離俱集園東陞上有古梅樹膠
結垂高枝白石爲几席月露明蒼苔將軍命夫人拜別而
慈闈拜畢與將軍四拜中間居十五妾羅拜窈窕無參差
夫人命斗酒有脯形如圭深藏待今夕各當行一卮卮盡
且先起母與君稍須將軍及母入燭影何迷離夫人十五
妾自掛臨中閨阿母大驚呼將軍言勿悲著我錦繡袍麒
麟當心開戴我七梁冠簪纓鬱崔嵬玉帶與璽書次第皆
抱懷置敕中堂上花燭榮且輝望闕遙謝恩臣死有餘辜
下堦十二拜天地及四隅徘徊望西堂有虎顧其兒平生

愛此圖拜汝今同灰卷圖附敕下釋服趨房間房中何穹
陸火藥堆如山將軍踏小几自解夫人縵次及妾十五列
置火藥端出戶著朝衣捧救仍來還一聲母急出火烈焰
貫天雞鳴部曲入白骨空噴岬舉哀建素旒合斂歸巨棺
敵人亦流涕况在同肺肝卜葬三陽山隱約題墓門陳子
作輓歌播之永不刊

懷古

燕臺

燕南燕北戰爭餘白草漫漫雪色初河渡堅冰通下博關
門沙路走居胥死求馬骨言終驗生堪秦胸計已疎猶有
興亡數行淚夜來彈與樂君書

姑蘇

澹煙疎雨闔閭城
潮水千年恨未平
寶劍賜來吳命短
美人恩重父讎輕
宮梧葉落隨流出
臺鹿春歸引子行
何處扁舟人去後
鑄金猶得似平生

楚中

衡雲巫雨暗江津
江上孤吟過一春
二女廟邊逢淚竹
大王風急到青蘋
虛無玉駟朝天闕
慘淡雲旗降楚神
終古靈均詞賦在
湘南山水倍關人

咸陽

關門一夜柳條春
今古茫茫草色新
龍虎有雲終王漢
詩書餘火竟燒秦
瑤池西望猶通鳥
渭水東流不待人
最是五陵遊俠客
年年磨劍候風塵

沛中

漢王生長難忘處尺土猶書故宅名四海自飛鴻鵠羽中
宵人哭白蛇聲輕沙淺草堪調馬習俗羣兒敢說兵千載
英雄同一轍徐州南是鳳陽城

洛陽

敝車駑馬雒城邊盛事空憑故老傳嵩室有聲君萬歲土
圭無影日中天禮亡已驗伊川髮涕下徒傷賈傅年莫問
漢家圖畫處丹青磨滅化苔錢

蜀中

子規啼罷客天涯蜀道如天古所嗟諸葛威靈存八陣漢
朝終始在三巴通牛峽道連雲棧如馬瞿塘走浪花擬酌
昔賢魚水地海棠開徧酒人家

鄴中

山河百戰鼎終分歎息漳南日暮雲亂世奸雄空復爾一
家詞賦最憐君銅臺未散吹笙伎石馬先傳出水文七十
二墳秋草徧更無人表漢將軍

金陵

山飛樓閣水飛霞冷落春城宿乳鴉天闕雙峯銛似戟海
門高浪白如花空勞御輦銷王氣曾畫長江作帝家五馬
渡邊龍化後南方文物掩中華

隋宮

穀洛通淮日夜流渚荷宮樹不曾秋十年士女河邊骨一
笑君王鏡裏頭月下虹蜺生水殿天中絲管在迷樓繁華
往事邗溝外風起楊花無那愁

戊辰正月十日舟泊端州王礎塵自開建適至令子

紫巘招同李蒼水過集高雲客所寓華嚴精舍縱
飲達夜卽事成歌

正月溪山餘暖氣炎方別自爲天地乘興拏舟入峽來故人恰自康州至客中無地可爲歡高君況在郊南寺落落乾坤數老翁天涯相見俱憔悴賢郎高燕爲客開李生後至初揮杯登樓曠望見原野定山數點青崔嵬園桃一樹紅如火折向瓶中如笑我東風只自戀新枝何處林間尋碩果年當壯盛好努力白髮生來無一可且燒高燭佛鐙前狂歌縱飲開新年東南之美畧已具人間此會非徒然爲君白眼望青天

登湛禎士新閣

新構閒齋事事幽簾櫳清寂勝前游疎籬引蔓時妨帽老

樹扶人共上樓暮雨千家聞短笛東風一綠徧平疇園林
煙景元堪畫况有數峯來上頭

八月八夜王子千招同陳韶州毅齋遲靈山屏萬梁
藥亭廖南暉屈翁山集廣州行署咏月

高會仍同趙尉樓上弦新月近中秋半輪似欲依華轂破
鏡唯能照白頭銀漢欹斜初雁過金風蕭瑟暮雲收更憐
一片如輕舫明夕隨君到惠州

秋夜同梁巨川盧儁斯過宿潘子登寓齋早起別去
與巨川登錦巖次子登韻

步屨閒階月滿堂更浮香茗對幽篁人過中歲衰難寐酒
到深更醒亦狂竹榻夢迴餘舊淚絺衣朝起趁新涼不堪
共上高巖望江水迢迢似恨長

杜濬字于皇號茶村黃岡人明副貢有變雅堂集

詩話茶村避亂居金陵慕詩名者踵至多謝絕之錢牧齋造訪閉門不與通其高峻如此詩亦翫辭自遂尤長五言吳梅村嘗云吾五言律得茶村焦山詩而始進閩百詩於時流多所訾謗獨許其五律稱爲詩聖

遊靖江孤山

邱壑性所耽未嘗棄拳勺矧茲江海間一石頗巉削隔宿
嘯遊侶凌塵理芒屨舟行屢延望先見惟楮閣旣登必造
顛長江四迴薄梗斷託一方風沙年代作左瞰特無際舉
手揖海若遠水流下天餘波噴爲壑綠疇亦云廣晚田猶
未穫孤城炊數家闕狀如舫泊降尋及山根了見夕陽腳
古苔詎人繡怪石倘天鑿逐景至於晏會心方命酌寂寂
無人知秋英澗中落

遊夾山漾

出塢謝羣賢放舸理長嘯煙岫映澄波始知所歷妙林壑
羅秋姿紫翠冑寒照蘋汀欲爲雪楓岸忽如燒目逐絕境
往意愜佳氣要層峯何嬋娟灣環亦窈窕泛漾疑江湖回
帆復蘿蔦面面見道場一一憑弔尋幽不覺遲歸晚顧
而笑石門免見訶登樓感同調

九日一草亭時將與天章別感賦十六韻共用日字
秋深雨廉纖意外晴此日薄雲雖未歸解散已可必危坐
傷我懷雅意不欲出歛聞良友招不待盥漱畢登高一草
亭豈在山岑律幽人先入座鳴琴未離鄰盤榻但隨時盃
香帶橙橘暫覺百慮蠲遊從任踈密叢菊花故遲黃蕊苞
漸茁籬蔓弱迎霜宛結小紅實獨感薜荔枝來時伴繭栗

於今已扶疏殘陰映細帙白頭久飄零俗態如蟣蝨遙遙
三令節過眼亦何疾念此動哀腸匪第憶家室悵別方自
茲歌笑忽如失

關山月

上有關山月下隴頭水月照行人不記年流水無情流
不已月淒清水嗚咽非秦非漢腸斷絕

初聞鐙船鼓吹歌

一聲著人如夢中雙槌再下耳作聾三下四下管絃沸鐙
船鼓聲天上至居然列坐倚船絃驚指遙看相詫異鼓聲
漸逼船漸近亦解迴環左右戲急攢冷點槌猶澁春雷坎
坎初驚蟄吹彈節鼓鼓倔強中有閒聲闌不入吁嗟此時
聽鼓止聽鳴誰能打搯聲裏情誰能眼底求精妙乍許胸

中見太平太平久遠知者稀萬歷年間聞而知九州富庶
無旌麾揚州之域尤稀奇誰致此者帝軒羲下有江陵張
太師江陵初年執國政樂事無多廟謨競爾時秦淮一條
水伐鼓吹笙猶未盛江陵此日富强成聖人宮中奏雲門
後來宰相皆福人普天物力東南傾豪奢橫溢散向水此
水不須重過秦王家謝家侈紈袴湖海遊人鬪詞賦廣陵
女兒絕可憐新安金帛誰知數舊都冠蓋例無事朝與花
朝暮酒暮水嬉不待二月半衫服新妝桃葉渡高樓夾水
對排窗捲起珠簾人面素騰騰便有鼓音來鐙船到處游
船開燭籠但恨天難夜赤鳳從教晝不回皇天此時亦可
哀龜年協律正奇材善和坊接平康街弄兒狎客多渠魁
船中百甕梁溪酒膽大心雄選鋒手蘇州簫管虎邱腔太

倉絃索崑山口鎮江染紅製瓔珞廿碗珠鐙懸一角當前
置鼓大如筐黃金釘鉸來淮陽此聲一驩眾聲集不獨火
中間霹靂風雨叢中百鳥鳴旌旗隊裏將軍立熬波煮火
火更然積響沈舟舟未溼可憐如此已快意未到端陽百
分一記我來時卯與辰其時海內久風塵石榴花發照溪
津友生置酒我爲賓下船稍遲渡口塞踏人肩背人怒噴
鐙光鼓吹河河徧銜尾蟠旋成一串蔽虧果覺星河覆演
弄早使魚龍顛眾人洶洶我靜賞初奏此時差可辯須臾
光響相糾結惟聞森森沈沈直上翻雲漢東船西舫更交
加下視何由覩寸瀾偶然閃儵透水處如金在鎔風掣電
樓樓堂客白下稱內人爲堂客船船妓近不聞聲遠察面嗚呼此時
鐙船更難動但一作坐飽食揮槌調絲按孔相凌亂侯家

別攜清商部那得於中聞唱歎復有劣鼓與劣吹就中藏
拙誰能見爆竹聲低煙霧濃暫借香風解霑汗露零雨下
不得退樂極生悲真可厭酒醒忽迷此何地魂銷畧記伊
堪戀直至明朝亭午船鬆卻退人相羨歸來沈眠須竟日
流鶯啼破河陽戰此後遊人數日稀清淮十里桃花片記
得座中客能說王穉登穉登搥鼓湘蘭舞賞音擊節屠長
卿後來好事潘景升晚節猶數茅止生絕藝於今誰作主
李小大歌張卯舞當時惆悵說於今忍見於今又說古年
復年來事可歎鐙船伐鼓鼓不歡辛壬之際大饑疫惟見
鳳陵烽火照見秦淮白骨橫青灘桃葉何須怨寂寞天子
孤立在長安吾聞是時宰相薛復周黃金至厚封疆仇公
卿濟濟咸一德坐令戰鼓逼龍樓甲申三月鼓遂破斷管

殘絲復誰和半閒堂裏起笙歌平章舟上稱朝賀試問當
時雷海青堦下池頭還幾箇新劇惟傳燕子箋殺人有暇
上游船行人何必近前聽茶毒鼓中無性命同時阿誰伎
畜爾惟有劉黃高左五侯耳君不見師延靡靡濮上水未
若玉樹後庭美賞音何人丞相韜相對掀髯復切齒一撥
絃中半壁亡一棒鼓中萬人死鼓急絃驚曲不長兩年歇
絕隨漁陽有客徒憐橋下水無人不斷渡邊腸及此相看
眞分外何許藏舟一舟在拂塵捍撥初光輝奮槌揚袖藍
縷衣不鐙漫乘夕波出無伴知從何處歸爭新誇奇各有
故君看西風桃李枝西風一枝眾稱異東風萬樹空爾爲
入耳悲歡難具說醉裏分明寸心熱嗚呼漢代金仙唐舞
馬此事千年無有者興亡不入心手間然後聲音如雨下

探湯搥鼓疾藜刺應有心肝礙胸次餘音漠漠攪飛絮
船燈過橋去過橋去傷鼓聲長歌短歌當成隴西李賀
抽身死舉杯相屬樊川生此生流落江南久曾聽當時煞
尾聲又聽今朝第一聲

聞子規

四月三之日子規驚夢魂天高吾不問春去汝何言口血
腥花氣關河阻劍門此方多挾彈未可恃君恩

元日

元旦我無事梅花伴讀書天心連日見人跡向來疎
旣雨難忘酒方春孰荷鋤客情原至介三嘆對盤蔬

乙丑季夏傷足伏枕歷秋未瘳屢荷素園見顧殷殷
偶留小酌限作二律同用知秋二字君詩先成依

韻和答

吾道危如一木支誰憐雙足數還奇
呻吟轉側今何地跋扈飛揚彼一時
同調相期金可斷異方多難藥難知
留君小飲余先醉爲愛西泠七卷詩

濯足空談萬里流朝昏惟守戶庭幽
故鄉久別終思奮好友頻來不帶愁
白髮丹心千古意黃花紫蠟一年秋
何時造爾能扶杖不羨乘車馬少游

十月十日蔡鉉升載酒飲我於病榻練江南枝二詩

衲偕至

擬上籃輿散百憂素交排闥且淹留
情親各出三年字身老猶憐一日秋

明日立冬

客舍自晴黃葉兩鍾山不動白雲遊

持螯快飲成今會大有齊盟在後頭

泰州絕句

窮海三秋盡扁舟百里行夕陽無近色偏照遠帆明

閔友談水東之勝

魚愛深池鳥愛叢君談句句合幽踪憑將骨與青山誓老

號詩人杜水東

雨時前民將欲別余

冬暄何可恃一夕起層陰落盡衰桐葉方知急雨心暗停
南浦棹寒折北齋琴鄰舍知幾早多時響暮砧

焦山

觸處迷人代茲山尙姓焦上頭仍棟宇到眼忽雲霄樹色
南徐近江聲北岸遙衣冠留洞壑不必訪松寥

遠跡滄江曲山情實澹然石根爭插水樹杪欲浮天莫起

蒼虬卧端如處士賢再來應醅鶴把酒坐高壘
八年前一到車騎亂青蒼賸此題詩客來尋置酒堂飢鷹
啼半嶺野馬戰斜陽實有悲盈谷非關弔夜郎

出郭來差遠憑高望獨深江分神禹跡海見魯連心密竹
藏金像回流灌石林擬尋幽絕處卻誦白頭吟

摩碑臨積水折竹杖危坡不向山中住甯知幽處多雪埋
孤衲笠風亂老漁蓑荒卒存真意余心不厭過

僧堂陳古鼎青綠略參差沙劫何多故商周僅片時神工
疑太淺怪物復安施不必論眞贗風塵忌獨知

杜芥字蒼略號些山黃岡人明諸生有些山集

同徐松之登山上人草閣

雨餘山黛豁攜手問郊原茗色青于樹花光紅過村愛僧

能種菜禮佛恰窺園默坐忘酬對都歸畫旨論

寒食同枕江作

墓田春草色花信落梅風倚檻今朝立憐君客況同炊煙
微覺冷酒盞不妨紅莫作焚林嘆荒蕪舊絳官

贈羅山行僧

一鉢羅山下千針破納縫得龕成古佛掃地種新松塔院
心頭住形骸市上逢看師行烈日露頂自從容

茸城三月同魏憲姪世農作

今日不宜飲愁來何所之草青猶在眼雲白已多時懶慢
馮驩缺空濛虞舜祠牡丹開又落不忍醉殘卮

獨鶴亭

嗟峨華嶠孤一徑下雲甸荒草蔓荆榛五嶽誰能辨有鳥

從東來大翮異鄉縣武功雖尺五仰視目不眩圓吭裂層
霄丹頂甚平善應惜青城游見困如句踐

甲子八月郎趙客周貞栖讌集宗廣文金陵寓齋分

韻

廿年離緒幾回逢曉起城南酒味醲望闕有人攀老桂避
塵何處覓長松邗關雁叫三江水秋浦猿呼九節筇舊事
半留詞賦在滿江紅奏不妨重

王猷定字于一南昌人貢生有四照堂集

朱錫鬯曰于一以詩古文詞自負對客斷斷講論每
舉一事輒原其本末聽之霽心蓋兼有筆札喉舌之

妙者其行書楷
法亦自通神

詩話于一長身玉立意氣豁如議論風發談天下事
如視掌上紋與梁公述史蘧菴友善杜茶村尤性命
交詩沈鬱蕭森五言近
體雅近杜老亂中諸作

看月

日見海天低夜見海風苦海水浴天時星辰皆作雨惟月
下海中百道金光聚波響月可聽波來月可取試問山中
人月來幾寒暑

王舟泊揚子橋

南昌人貢主官四照堂集

韎韐風濤外閒心寄沈寥馬嘶黃草岸人急暮江湖塔影
眠寒水谿聲走斷橋夢中敲古缶長憶廣陵簫

舟行

卷四

海陵城忽過四望遠濛濛布被經斜雨蒲帆飽大風驚鷗
飛不定初柳意無窮三月今朝是扁舟東復東

螺川早發

卷四

月落秋山曉城頭鼓角停長江流遠夢短棹撥殘星露溼

鷗衣白天光雁字青蒼茫回首望海嶽一孤亭
真帥返揚州喜晤孫無言

卻訝秋還在蕭條滿目非江山千騎暗城郭一人歸見子
南冠淚猶驚楚客衣庭花何爛漫寂寂伴伊威

宿白雲菴

寒鐙寂照夢難成但覺逢僧尙有情關外客船喧野岸枕
邊官馬踏殘更兩淮烽火人初靜千里星霜雁獨征爲弔
漢家辛苦月夜深猶傍釣臺明

訪陳師黃絕句師黃爲靖南參軍

北狩當年事忍聞至今惆悵靖南軍可憐血戰殘衣在板
子磯頭幾片雲

中元前一夕泊石門聞岸上作浮屠事泣然有感

石門陌巷柳青青舊日鐃聲此夜聽枕上有魂招不得秋風腸斷語兒亭

李世熊字元仲別號愧庵甯化人明諸生唐王授翰林

博士不就 有寒支集

詩話元仲當王師入閩時郡帥迫之就徵以死自誓有諸葛亮躬之日僅少一年文山盡節之年已多一歲之語山居四十餘年氣節文章為海內宗仰其文沈深峭刻自成一家詩不甚稱於時然亦夏夏獨造間效長吉尤與宋遺民謝皋羽為近

紫金山

山圍人鳥路孤筇迷出入樹石放奇情分壇勢相逼石或化為樹樹或化為石石池澄寒波落落松陰直冥茫息峯頂崎嶇憇幽室耳目及心神喪之而後得山深菴宇尊諸佛現真魄梵聲肅以放物理自來格我心山灼見山性我

微獲

雨後月出潔逾晴晝竦然作此
寒雨肅然止族雲避孤月月鋒布威嚴萬翳落如刷屏息
承靜清恭默思超越叩帝更無闍乘空亦有筏澄汰千載
塵浣滌山川骨爽然遊泰初人天不容髮

秋懷

坐卧斗室中書卷奏新效神來勿驟往斟酌使克到焚香
取煙初賞茗在味少潔此徑寸懷遂與秋照耀月以霜尊
巖雲得天高妙良友雖各方是中可談笑

還山

出處滄桑外呼天虎豹高少年慚賈策曠志及原騷筆冢
難酬脯車騶每對醪晴陰還造物攘攘爾何勞

晚晴雜言四卷一

山居

愚公智叟總灰塵豈有虛名染汗青
供鶴朝添甌甕米相
牛夜理角毛經墨莊有興時分竹酒國無朋號獨醒
疊二
錯三教孺子笑人杜撰少微星

和陶歸園田

自古養志者遯跡於深山一往將終焉豈復知
歲年有時
罹世網如魚脫於淵歸來不爭里治此無競田
邈然雲霞
姿澹灑眉睫間相逢共談笑乃在羲農前
試語寵辱事寒
灰久無煙紫芝出礪底元木生巖巔
心隨麋鹿遠跡與鷗
鳥閒我願從之遊朝夕同悠然
士方不遇時意氣常鞅鞅野鶴在鷄棲能無雲際想
羽毛
正離披九霄安得往君看園中蔬靜聽膏雨長
人生何不

爲心定志自廣衡門且棲遲因風適蒼莽

賀貽孫字子翼永新人有水田居詩存

詩話子翼生明季長邁亂離備嘗艱苦集中有丙戌
避亂茶陵庚寅山中度歲壬辰被兵折臂戊戌易僧
裝諸題順治初江右甫定又有金聲桓王得仁之亂
居民深受兵禍其詩鬱轡苑結多感感不自得之語
則所遭之境使然也

雨

急雨來石壁飄然空外瀉遠樹溼殘紅徘徊鶯不下好鳥
尙惜春孤花已報夏鐵馬從東來陰雲慘欲射誰向蟠溪
隱蓑笠恐不暇寄愁與東風注目寒江夜

秋懷

蟋蟀復蟋蟀聽爾當窗織秋聲從爾出萬籟又瑟瑟清商
本無心耳目漫相易塞北有佳人玉顏不及惜長抱悲秋

晚晴雜詩 卷一
心徘徊淚沾臆晚雨滴芙蓉如見明妃泣年年胭脂山負
此高秋色
霜氣飽黃花霞光醉白鳥山高秋復高秋逐煙與草物性
相因緣誰能割昏曉我心同孤月淡蕩寄天表不夜魄常
圓無雲風自掃秋色本自如何勞費幽討世人貴耳目漫
羨素娥皎躡梯上廣寒不識門前道惆悵月中人銀丸弄
空藻

寓栗坪茅屋

結茅天半渺無涯靜夜空山絕物華夢裏風聲翻紙帳雨
邊螢影落鐙花青精味易和麤飯綠柏香難鬪苦茶獨喜
埋名今漸久無人問字到山家

陳允衡字伯璣號玉淵南昌人有愛琴館詩集

詩話玉淵寄寓蕪湖體甚弱雖盛暑猶擅巾絮帽性嗜書枕席舟車縹緗環左右嘗選詩號國雅又有詩慰傳本甚稀

王安又招同施次仲周鶴田諸君游響山兼訪杓司

不值

探山只數里倚棹變陰晴草樹依城轉鳧鷖傍水輕松風生夜色人語雜谿聲隱者不可見空餘釣石情

步自杏花村遵湖隄過鐘樓至上藍寺同王尊素程鳴玉訪堅忍拙生二開士不值歸路得詩

古寺閒尋得籬疎竹數竿僧偏渡江早客正入山難土銜煙初斷香臺影自寒皈依何日是愁思又無端

魏闕字明闕漢川人有清風遺集

詩話明闕爲明諸生甲申後奉親居龍耳岡學易三十年足不入城市康熙中張中丞朝珍爲築室清風

橋左師事之不久辭去時有朱方旦者自號二眉山
人挾術數游公卿間投書明闕明闕答以古非常人
固有非常術業然考其素不過信庸言謹庸行耳禍
福當自問不當問人方旦卒以左道感世見法明闕
自言死當以四午其卒以康熙十七年五月十九日
日正中實爲四戊午事見張中丞祭明闕文善術數
者不言術數固非汀
灣游士所能知也

書懷

客居偷歲月戶外聽寒砧看竹身無力尋僧雨又深十年
雙白髮萬事一孤琴此意如何語松溪夜夜心

吳柳塘寓漢陽郎官湖太白祠東邀余飲酒

太白祠東訪柳塘傾尊促膝話偏長是湖久幻爲城郭此
地翻疑作夜郎兩部新詩開混沌千年後死著文章樓船
偏上心如雪莫使浮雲詠鳳凰

雨宿白衣庵贈卻塵上人

鬱茗高鎖木蘭隈座借鐙王靜室開江鶴掠同盟野夢鉢
龍飛去觸天雷梵銷急雨桃花漲魂繞層巔金闕苔卧覺
風幃心與動就中誰可惠能才

重修黃鶴樓成

鶴樓重建鎮江東畫棟依然插碧空玉笛梅花新夜月金
沙芳草舊春風乘雲羽客名還在賣酒人家姓不同此日
登臨舒醉眼煙波淡蕩夕陽中

余奮字生生號鈍庵青神人有增益軒詩草

詩話生生爲明兵部尙書肅敏公子俊之後世襲錦
衣自蜀徙燕者已數世生生當國變避居四明築小
樓署曰借鑑蓋以鄞西湖爲賀秘監游息地有
小鑑湖之目生生久爲寓公故以是示意也

賞梅

狹旬雨不輟淒風日飛颺庭梅斂光彩生意何微茫天地

忽開曠靜院飛晴香玉色映朝暎疏影隨風翔陰極陽未
動氣機不可量百卉亦因時幸哉化日長

梅花

市上何人識故侯青鞋卓帽稱心游相逢頭白留詩別細
雨孤帆下虎邱

花時歸客怕花殘烽火漫漫行路難斷送春風多少恨憑
誰留寄一枝看

黃居石字慎闇號圯仙新會人有自知集

詩話圯仙隱居專力於詩時有憂生念亂之作如前
後徙村行述國初海濱遷界時事又有哀江門篇句
云甲辰移海盡邱墟古廟獨存新市側蓋亦是時作
牧馬行紀尚之信藩部兵初至牧馬擾民羊城秋意
秋興諸篇前哀紹武之亡後慨
平南之敗黍離麥秀悱惻纏綿

督耕

不耕受其飢食力宜耒耜春有事西疇入夏共耘耔所望
在秋成終歲勤如此上以輸征賦下以甯婦子埋名畝畝
間河清或能俟東鄰華蓋新已聞書怪字北里紫駟驕昨
報沙場死榮枯易朝昏何如荷鋤子堪笑南陽人一出終
多事

吳城曉發

凌晨方挂席已出望湖亭野店明殘火秋江落曉星雞聲
寒草屋雁影起沙汀浪迹知何似飄飄學水萍

鄂城除夕

老去驚年速愁來怯路賒身貧輕作客世亂易離家柏葉
虛浮酒椒盤不領花妻孥當此夕應念隔天涯

贈陳三谷

一壺煙月一藜筇短髮逍遙粵海東
茶白響生塵碾綠藥爐香發火蒸紅
麻衣宰相雲泉裏玉洞真人市肆中
若使相逢如魏武休教草檄愈頭風

楊應麟字吉庵真人

詩話真安即正安舊隸四川雍正間移屬貴州吉庵當國初孫可望陷遵義以人為糧力為營救民多賴以活晚研易理撰易經辨義

過鄰家

策杖無專適因過鄰叟家
數杯缸面酒三椀雨前茶
地僻猶棲鳥林深尚有花
不堪時極目羣盜正如麻
郭勸字以歌湘潭人明諸生有松籟堂存草

舟過昭山

古刹猶如故輕舟拭目過
岸低煙影小林密鳥聲多
花濺

游人淚漁通下里歌客心今又起憑弔寄滄波

郭嘉屏字嶮山均州人諸生有嗣斯集

詩話嶮山明季諸生詩清婉不染當時風氣入國朝不復應試以生僻壤編明遺民詩者網羅所未及遂令姓氏翳如

秋夜浪河舟中

忽有臨流興添衣上小船涼風吹白月野水泛青天樹裏星辰度巖邊鷗鷺眠乾坤同一靜幽渚幾茫然

晚晴移詩匯卷十八終

晚晴簃詩匯卷十九目錄

錢謙益 七十首

幾精益

明部錄詩圖卷十八目錄

晚晴籀詩匯卷十九

徐世昌

錢謙益字受之號牧齋常熟人明萬曆庚戌一甲三名

進士歷官禮部侍郎福王時為禮部尚書入國朝以

禮部侍郎署秘書院學士有初學集有學集

鄭則厚曰虞山學問淵博浩無涯涘其詩博大闳肆

劍南以博其趣於北地信陽王李鍾譚諸作者尤排

擊不遺餘力萍浮草靡之徒始稍稍旋其面目本朝

詩人輩出要無能出其範圍大學博主持東南壇坫為明清兩代詩

派一大關鍵譽之者曰別裁偽體轉益多師毀之者

日記醜言博黨同伐異要其驅使百家雕鏤眾象非

一邱一壑者比所編明歷朝詩集於北地信陽過事
裁抑為後人所議今錄牧齋詩
當蠲門戶之見以持其平焉

嫁女詞

晚晴籀詩匯卷十九

中堂何喧闐明燭耀銀缸箱簾啟菱蕤刀尺聲碾碾大姊
裁羅襦小妹熨袴褶鄰女贈錦段雙雙繡鴛鴦阿母鬢婆
娑篝鐙理中裳阿母向我言撫汝嬌且長十載違汝家顛
顛類嫺嫺輕軒宵在門重整嫁時裝女行欣有家阿母心
內傷牽衣向阿母背指鐙燭光女身如明燭影在阿母旁
有家亦云久結褵在高堂云胡背君子不得奉尊章歸甯
十餘載道路阻且長欲絕忍棄捐欲往河無梁戢身事慈
母顧影守帷房獨坐親圖史行步施珩璜懷哉芣苢詩誦
彼浥露章豈若魯潔婦陌上行採桑菟絲生陂田終不慕
高岡芙蓉悴秋風其名爲拒霜我生不有命胡爲怨空牀
空牀雖獨守終然念所天主人良高卧臧獲偷晏安薪突
誰與徙井日或不完祭祀廢春割寇盜隳牆垣百憂攪我

心逼迸不得言搥牀復倒枕豈爲兒女歎終身一與齊棄
捐永相關況我非棄婦何能不汎瀾不見漆室女倚柱起
長歎

長歎亦何爲會合當有期懷君雙明珠中夜生光輝沈淵
何足悼光彩諒不虧縞衣與綦巾理我嫁時衣衮服及春
風何能待秋時醜婦憎明鏡眾女疾娥眉琴瑟貴靜好閉
戶理朱絲行行遠阿母回頭涕漣洏翩翩辭歸燕向我飛
差池

吳門送福清相還閩

都門祖帳藹如林卻望彤墀淚不禁出處頻煩明主念安
危何限老臣心夢回漸覺朱衣遠身退初知白髮深林下
有人君側少知公未忍說投簪

明倫彙編 家範典 卷一百一十九
上帝高居儼肅雍中書退食敢從容舉朝水火和羹苦于
野元黃戰血重四海憂來頻緩帶隻身朝罷每扶筇可知
報主心如醉久矣愁聽長樂鐘
介圭爭望錫河山忍聽優歌枯苑間春盡親王將就國夜
分御札尙封還赤心自憇紫千折丹地頻驚扣九關羽翼
已成商老去漢庭容易點朝班

恭謁長陵

文皇神武唐宗後靖難功成戰血殷鐵騎至今趨朔漠玉
衣終古鎮燕山峯迴屏障諸陵拱日落旌旗萬馬還前後
北征多侍從承平忝竊史臣問

碧雲寺

丹青臺殿起層層玉碣雕闌取次登禁近恩波蒙葬地內

家香火傍禪燈豐碑鉅刻書元宰碧海紅塵問老僧禮罷
空王三歎息自穿蘿徑挂孤藤

寄東江毛總戎食烹督主父三隰賀封縣王尊出
鳴綠江頭建鼓旂間關百戰壯軍威青天自許孤忠在赤
手親擒叛將歸夜靜舉烽連鹿島月明傳箭過鼉磯紛紛
肉食皆臣子絕域看君卧鐵衣去當軍王友對轉來

十一月初六日召對文華殿旋奉嚴旨革職待罪感
恩述事蘇州一感武備

久知不去又將鉗無奈時情似蜜甜薄命東華糜月俸虛
名南斗動星占出山我自慙安石作相人終忌子瞻伏闕
引刀男子事懶將書尺效江淹

事到抽身悔已遲每於敗局算殘棋都門有客送臨賀廷

辨何人是魏其楊柳曲中游子老車輪枕畔逐臣知寒鐙
冷炕悽涼夜不醉何因作酒悲

孤生半世飽艱辛敢恨虞翻骨相屯吾道非與何至此臣
今老矣不如人養成枳棘難爲橘刈盡椒蘭不作薪每誦
韓公晚香句整襟時一慰沉淪

破帽青衫又一回當筵舞袖任他猜平生自分爲人役流
俗相尊作黨魁明日孔融應便去當年王式悔輕來宵來
吉夢還知否萬樹西山早放梅

兩月春明席未溫眼看深谷又高原金多爭羨雒陽路禍
至方思上蔡門五鼎食烹皆主父三期賢佞總王尊莊生
能悟逍遙理只爲精思曳尾言

獵獵寒風歲逼除柴門剝啄到雙魚親憎言祿催偕隱友

賤求名勸著書薄俗休官如物故畏塗削籍當遷除夕陽
亭下城西路歎息何人返做廬

陸宣公墓道行

延英重門晝不開白麻黃閣飛塵埃中條山人叫闥哭金
吾老將聲如雷蘇州宰相忠州死天道甯論乃如此千年
遺櫬歸不歸兩地孤墳竟誰是人言藁葬留忠州又云微
還返故邱圖經聚訟故老闕爭此朽骨如天球齊女門前
六里路蕎麥茫茫少封樹下馬猶尋董相陵飛鳧孰辯孫
王墓青草黃茅萬死鄉蠅頭細字寫巾箱起草尙傳哀痛
詔閉門自驗活人方永貞求舊空黃土元祐青編照千古
人生忠佞看到頭至竟延齡在何許君不見華山山下草
如熏石闕豐碑野火焚樵夫踞坐行人唾傳是崖州丁相

墳

松談閣印史歌爲郭盾伯作

六書繆篆用摹刻大者符璽細印章崩崖古隧取次出鏤
金琢玉爭弄藏關中郭髯最好古十年搜討盈篋箱部居
州亂作譜牒編次緗帙盛縹囊璀璨丹砂照蟲鳥錯互金
薤堆琳琅攷正職官本二史貫穿訓故窮凡將竊取正用
史家法豈玩小物塗朱黃憶昔先朝席豐豫符瑞紛沓徵
禎祥河清鳳見屢奏賀玉璽又報來臨漳先帝親御文華
門制詔臣下風四方千官鶴列瞻負辰衝牙雙瑀聲鏗鏘
中官屹立當御座插冠貂尾加金璫紫泥封坼青囊解金
銀賸組開輝煌臨軒手持四寸璽俯示陞城周兩旁槃龍
紐螭弄掌握衫袖照燭回虹光侍臣代奉傳國寶殿中不

用尙玉郎鴻臚傳制百僚賀文曰受命壽永昌朝罷君臣
咸燕喜南面竝進南山觴豈知瑞應不虛見中興天以授
我皇郭君此書精且良曷不首勒玉璽圖訪問禮官摹尙
方如服有冕網有網蠅頭細字注幾行吾詩附璽垂久長
命曰印史非誇張春秋之義微而彰

戊寅九月初三日奉謁少師高陽公於里第感舊述

懷

倉皇出鎮便門東單騎橫穿萬虜中拊手關河歸舊服側
身天地荷成功朝家議論三遺矢社稷安危一畝宮聞道
邊廷饒魏絳早懸金石賞和戎

劍眉山鼻戟如鬚生面麒麟可卽圖渭水師臣爲後輩金
城老將作前驅掃清君側誠難事恢復遼陽豈廟謨當享

晚晴雜詩附卷十一
五
何煩三歎所秋風吾已穩菰蘆

汶上道中逢故人

衰林匹馬尙天涯寂寞山城菊自花
逐客已非周太史故人猶是魯朱家
心如老鶻迎秋晚身似賓鴻傍日斜
悽愴朱梁舊祠墓汶陽田北看歸鴉

雲中楊伯祥館丈

廷麟

過訪山堂卽事贈別

去年燕山雪如掌巢車雪暗胡塵上
紫髯參軍匹馬嘶黑頭總理鞞刀響
今年江南春雪飛雪花滿頭來款扉
菡萏鐙前談戰壘梅花樹下看征衣
自從瞽史持漢節金繒輦載邊庭血
虜騎爭誇曳落河廟堂自倚中行說
翰林飛書叫帝闈至尊感激模御牀
但令中使催房琯指盧督師肯爲金
人縛李綱指伯祥賈莊戰血高樓櫓
元戎堂堂徇旗鼓周處

詎死齊萬年指督師韓愈甯作孔巢父指伯匣天鋒刃一頭

顛鬼護神攜九死餘秦庭自效無衣哭漢黨終慚舉網疏
明發堂中酌君酒笑問于思無恙否神州幸免犬羊族太
史何妨牛馬走酒闌耳熱夜欲分錯莫同雲是陣雲紅袖
白衣猶未返彤弓茲矢竟何云江天漫漫失山樹雪柱冰
車塞行路江南老翁鬢如雪擁鼻吟詩送君去

九月望日得石齋館丈午日見懷詩次韻

敢云吾道大相顧此身微土室青鐙火柴門白版扉垂綸
收釣具鍊石補漁磯小艇西湖曲延緣候汝歸

丹地披肝日彤墀濺血時帝容伸頰舌天與護須眉榎楚
甯非教術楊亦我師授書并續史幽繫頗相宜

衰鳳巢何在亡羊徑欲迷已知慚稷契甯忍愧夷齊世事

蕉中夢人情李下蹊夕陽亭畔路只在帝城西
以爾銀鐺日追余桔槔年詞林原有敘園土亦推先泣夏
懷明德踰冬憶古賢天涯明發思炯炯一鑑前

登始信峯迴望石筍砭

三十六峯拔地涌此峯跋之纔及踵臨深爲高地使然附
婁翻能瞰高冢松枝懸度勢獵獵略徇孤鶩風從從石徑
曾無飛鳥度茅菴尙有殘雪擁上視近天心氣肅下臨無
地魂魄悚平鋪萬狀盡雲練幻出千嵐似邱壘邐迤迴望
石筍砭萬峯轟轟攢穹蒼故知造化善戲劇遂使鬼物齊
開張破碎虛空作苑囿搏掬厚土成珪璋孤撐扶陷互相
詭妥伏感鬪不可詳益州二筍何微眇天平萬笏空迴翔
起視大壑限尋丈卻立萬仞憑堵牆高陵巨谷堆眾皴都

邑嶺陸分毫芒篆雲一點出九子突煙片縷回池陽心駭
神移耳目怠積蘇累塊今安在中天恂悅游化人步地蒼
茫窮豎亥錐鑿將無死渾沌刻畫何當罪真宰經營團辭
記靈異忽漫執筆成晦昧眼看夕陽信奇絕安知夜半不
遷改笑殺漚區刻劍人但認一漚作黃海

煉丹臺

我登煉丹臺詆蕩上青天旋觀六六峯一一排青蓮崇臺
據中央宛如蓮萼然千瓣復萬莖迴抱相鉤連玉屏展青
嶂香鑪冪紫煙奇峯劍危石榴列差膊肩橫若羅劍盾矗
若奮戈鋌猛若屯天獸疑角夾九閭伏若萬金革攔鳴復
收旋神靈旣役使頑礦俱騰騫相將守丁甲誰敢窺汞鉛
日車陽焰煨月駕陰火然至今丹鼎中光氣流朱殷在昔

軒轅帝垂裳理八埏命龍馭絕轡驅虎定阪泉六相資輔
弼五賊收狂癩藥得君臣配火用文武煎海宇壚鞫定陰
陽藥物全然後事修煉黃服朝上立服食八甲子登假千
萬年有如世不治慕道求神仙張樂洞庭野採藥黔山巔
何異周穆滿車轍馬跡焉軒皇去我久刀圭世莫傳願發
珠函秘進獻玉房前

慈光寺

普門頭陀行光明動帝后兩宮賜剃染少府給組綬脫卻
金紋衣麻鞵露兩肘昆盧金像設梵筴琅函剖煌煌慈光
額天子維獻壽金貂馳北黠銀榜賁南斗寺踞天都隴面
勢抗龍首朱砂拱其左疊嶂掖而右飛閣千尋涌諸天四
圍負龍像震旦尊鐘魚六時吼幡幢內家織齋鉢大官糗

鋪張金世界變現錦陵阜嗚呼卅年來滄桑逼陽九宮移
長信屢卜應沙鹿久玉衣寢廟重脂澤鏡奩厚八極誠晏
如三災所時有椒塗恩賜節榆塞金錢走招提佐軍興衲
衣裁短後我來禮慈光俛仰思文母僧徒日魚雅禪誦午
譁卸空山猶昇平慈恩正攝受泉流石塔下桃紅碧溪口
客拜漉水囊僧持掃花帚尙祈白毫力庶復金輪舊頂禮
九蓮座涕洟重稽首

三良詩

三良者商邱段增輝含素沂州高名衡平仲

素謝賢良辟召率鄉人捍賊再攻陷之與翰林
馬剛中俱被執不屈而死辛巳春賊圍大梁平仲
以御史巡方乘城擊卻之上特命以僉都撫豫賊
去圍我師於鄆歲星以秦督赴援遇賊於襄城力
戰死之是冬賊復圍大梁平仲固守經年九月汴
沈於河平仲夫婦死之嗚呼是三君子者皆及門之
沂平仲夫黃馘視息牖下觀其接踵死事橫身殉
士余稿項黃馘視息牖下觀其接踵死事橫身殉

國有餘愧焉白樂天有二良文余
傲之以哀三君子作哀三良詩

段賢良含素

段生湖海士矯志營儒術道心既淳泓俠氣亦迸逸臂鷹
弄丸劍亡羊視佔畢結客少年場摠衣大儒室元纁有道
聘銅墨邑宰秩折腰恥鳴琴蒿目憂化瑟投劾謝京華襍
被返蓬蓽汝維彌禋氛汴宋連狂獍奔竄咸戴頭迎降多
屈膝拊心念多壘奮袂起投筆部署及婦女饋餉罄饌
孤城我援絕悉眾賊勢壹衝梯舞崔嵬礮石碎威栗城陷
屍撐柱巷戰血泌澗堂堂馬翰林並馬困縲縉生得齊慷
慨逼降互呵叱南雲敢後隄臧洪意同日聖朝崇死優所
司奏報失千秋萬祀後雙廟應崑崙余昔坐鉤黨訟繫拘
請室子來訪幽囚再拜慰幽疾遂請職橐籥奮欲負斧鑕

重趺赴甬丈酌酒祝元吉昂藏論節義顛顛數國恤盈朝
誰負擔舉世盡巾櫛植冠髮如竿流吻涎欲溢斯人猶在
眼其言良可質篝燈見光芒握衣想削戍哭罷霜滿天詩
成月東出入戶長歎息陰風助啾啾

汪中丞歲星

汪子循良吏斤斤飭簠簋修謹固足多剗割亦可倚一朝
擁旄纛三秦爲賜履雄邊當重寄豈能稱指使況復覆軍
餘兵殘將亦弛驚魂怯鼓鼙敗氣蒙壁壘賊兵下宛雒軍
威捲熊耳乘勝圍鄠城援師絕蜉蝣牽牽殘傷卒長驅與
角觝賊遂拔圍來其行疾如鬼士飽如狼噬馬騰競帆駛
我師不能軍轍亂復旗靡哀哉二萬人刳屠盡羊豕堂堂
大中丞孤身策馬箠首已離魚劍胸猶集蝟矢嗚呼數年

來盜賊易綱紀奕棋國謀誤兒戲師律否武夫保項領文

臣塗腦髓項城傅

宗龍

喪元襄城汪折趾甲棄戰場外馬

歸賊營裏徵兵搏泥沙催戰促刻晷但知赴期會誰復量
彼已歸元國子生免胄先軫喜三敗誰能久一死亦可矣
憶子爲郎時矯時柱頑鄙抗論每仰屋憤盈或抵几裏革
固所期輿尸亦求是哀哉殉國心耿耿歿猶視長歌聊慰
藉人生會有死不見韓城相低頭向槃水

高侍郎平仲

平仲巡兩河攬轡出西臺就寇方燎原宛雜蕩刦灰移師
圍大梁投鞍成覆敦登陴七晝夜死守憑崔嵬累卵我勢
急中目賊焰推保汴唯汝勞國功帝念哉遂膺全豫寄旌
節煥昭回解嚴踰夏秋悉眾賊復來長塹截飛鳥巨礮轟

殷雷潛隊穿地裂梯衝舞風頽及堞骨相柱薰穴尸成堆
負戶我告病濡褐敵未衰是時諸道兵左次大河隈半夜
朱仙鎮十萬潰喧逐沈城聲援絕饋運甬道隕擱石盡發
棟陳焦資炊骸噬指徒慟哭大臨誰告哀河伯爲解圍洪
流夜擊礪我師旣北徙賊戈亦南回優詔許休沐寵秩旌
厥能還家甫抹馬虜入沂城隳抗辭罵凶醜並命捐匹儕
吁嗟忠壯士糾纏罹凶災賊鋒仁撞拯奴刃旋提搥自從
兵興後屠潰自相偕金柝不夜擊和門嘗晝開九攻敵已
窮三板志不乖方鎮皆斯人王略甯未恢何當大星隕坐
見長城壞我非哭其私惜此天下才

丙戌初秋燕市別惠房二老

白駒未繫又離筵北斗南箕信可憐壁馬朝周才信宿金

人辭漢已千年房公鵝爲清池好惠子驟因空谷傳龍漢
劫中期後會灞陵回首重依然

觀棋絕句爲汪幼青作

黑白相持守壁門龍拏虎攫賭侵分重瞳尙有烏江敗莫
笑湘東一目人

寂寞枯枰響沈遼秦淮秋老咽寒潮白頭鐙影涼宵裏一
局殘棋見六朝

飛角侵邊劫正闌當場黑白尙漫漫老夫袖手支頤看殘
局分明一著難

題石厓秋柳小景

刻露巉巖山骨愁兩株風柳曳殘秋分明一段荒寒景今
日鍾山古石頭

聞中徐永存陳開仲亂後過訪各有詩見贈次韻奉

答

拂水分攜手並招依然陳迹已前朝空傳老父摩銅狄無
復宮人記洞簫覽鏡頭憎三寸幘看花眼詫一重綃憑君
話我餘生在萬事叢殘爲領腰

休嗟小別似千年坐膝將車事顯然契闊共循頭上髮延
緣猶記葦間船高人有福先歸地野老無謀但詛天最是
臨分多苦語相期把卷白雲邊

交白鬚眉學刺船漁灣蒙密舊山川櫻桃薦寢無消息楊
柳車攻有註箋南國歌闌皆下淚山陽詩讒倩誰傳繙君
家集眞三歎遺策猶存表餌篇

論交嵇呂更誰如兵燹間關問索居沁雪摩挲新拜石殺

青論勘舊藏書卻看人世同巢幕共笑殘生出復與莫訝
和詩多讖謎老來誕漫比虞初

夏日讌新樂小侯於燕譽堂林若撫徐永存陳開仲

諸詞人並集

天啟七年八月上即位上聖母劉賢妃為孝純淵靜慈肅毗天鍾聖皇后

封孝純弟和陽衛正千戶劉效祖為新樂伯劉繼祖授錦衣衛都指揮同知劉文炳劉文燿授錦衣

衛指揮同知

寶玦相逢溝水頭長衢交語路悠悠西京甲觀論新樂南

國丁年說故侯春燕歸來非大厦夜烏啼處似延秋曾聞

天樂梨園裏忍聽吳歛不淚流

軟腳筵開樂句和濯龍吐鳳客駢羅雖無法部仙音曲也

勝陰山勅勒歌絲竹凝風腰鼓急缸花蕩影舞衫多老夫

苦憶平生事腸斷西游趙李過

書夏五集後示河東君

帽簷欹側漉囊新乞食吹簫笑此身南國今年仍甲子西

臺昔日亦庚寅

臯羽西臺慟哭亦庚寅歲也

聞雞伴侶知誰是畫虎英

雄恐未真詩卷叢殘芒角在綠窗翦燭與君論

廣陵登福緣佛閣

危樓切太空塵埽俯冥濛度世香鐙裏降魔應器中上方

三界在八表一雲同鈴鐸人天語如聞替戾風

黯黯經時雨荒荒有漏天豈能霾日月還與滌山川一炬

幽蘭火干門析木煙催歸松漠鳥啼到相輪邊

獨有層樓上偏於象緯親輪中迴日月規外撫星辰北戶

風霜急南柯國土真高高天眼在憑攬析微塵

冥晦乾坤戶迷方何去從禪枝迎怖鴿鉢水候眠龍鐵浴

兵前雨銅崩劫後鐘靈山殊未散清夜禮金容

題金陵一老畫像

髮短心長笑鏡絲摩挲皤腹帽簷垂不知人世衣冠異只
道科頭岸接羅

獨坐青溪照鬢絲小姑何處理娥眉畫師要著樊通德難
寫銀鐙擁髻時

哭稼軒留守相公詩一百十韻用一千一百字

師弟恩三紀君臣誼百年哀音騰粵地老淚洒吳天殺氣
南條急妖氛北戶纏行宮踰越嶠留守限靈川倉卒聞風
潰逡巡厝火然操戈乘內間解甲起中權捲土心仍壯憑
城誓益堅喧呼齊辮髮奮擊祇張拳刀鋸徒爲爾冠裳正
儼然歸元髯上磔嚼齒爪中穿苟偃含猶視張巡起欲旋

揚揚神不亂琅琅語爭傳徒抱銜鬚痛誰能唾血憐傷心
寢門外爲位佛燈前一慟營魂遠三號涕泗漣修門歸漠
漠故國望姍姍虞殯歌休矣巫陽筮子焉吳羹悽象設楚
些愴蟬聯魂復新遺矢神棲舊坐瓊靈衣風蕭蕭幽嘯雨
濺濺清夜前除酒明鐙近局筵逢迎傷翦紙送別忍燒船
黃鳥身其百青龍歲半千四游餘渺莽八翼罷騰騫飛鐵

兵輪重爲銅物冶全庚寅徵攬揆辛卯應災躔

君生於庚寅甲子一

周而終故引庚寅以降之詞其間計辛卯夏也故引朔日辛卯之詩皆假借使之也劍去梧宮冷刀

投桂水煎訓狐脊叫嘯嬰蜺晝連蜷鬪澗龍傷血崩崖蜃

吐涎

是夏虞山有出蜃之異

拊心看迸裂彈指省轟闐攀附龍門迴

追陪鶴蓋連園林規綠水屋宇帶紅泉一飯常留客千金
不問田以忙消魄礪及夏領芳妍日落邀賓從舟移沸管

絃丹青搜白石杖履撰松圓

君好藏白石翁畫于程丈孟陽有師資之敬

齒馬

成吾老童烏憶汝賢兔園温句讀蛾子學丹鉛枕膝應傳

喜登樓獨許立青春憑騷裏白首託夔虵桃李西江宰梧

桐左掖員裂麻心膽赤恤緯鬢毛宣北寺偕書獄西曹互

橐籥朱游和藥切黃霸授經專銅馬神州沸金雞密網蠲

甘陵錄牒寢元祐黨碑鑄北闕驚傳火東郊狎控弦帝車

俄運轉天步久述邇

余與君以甲申三月初十日同日賜環邸報遂失傳鰲足傾三

極龍胡斷八埏關山留北顧宗祏寄南遷江左朝廷小交

南節鉞偏風雲天路偪翼戴本支便宗澤迴鑿表劉崑勸

進箋嶺邊求日月規外別坤乾翼軫開營壁湘灘抵澗瀍

隻身支浩劫赤手捧虞淵插羽鉤庸蜀分茅餌益滇黃農

羅種落邕桂簇戈鋌青犢烏仍合紅巾螳並緣反王收魏

豹別將置梅銷白象扶丹轂烏蠻曳綵旂廬兒宿衛直廝
養徹侯駢畫詔行營裏除官御覽先兩宮湯藥使中禁洗
兒錢一旅基將肇三分業未竣連雞昏蚌蛤啞虎玩腥臙
畫地翔河鳥嬰城墜紙鳶執冰嘻狒狒投縋引蠕蠕履善
窮江表庭芝殉海暝誓書申決絕望拜告精虔目裂光如
炬管藏血化殷花縵務面改藤帽枕尸還青草迎飛旒黃
茅擁過鞦韆虛祠包箬飯峒祭卜筵尊故嶺虞山似桂林亦有虞山
新愁桂嶺牽用張平子四愁桂林之語丹心石路折皓魄火雲鮮盡說
南朝李何慚東海田鑄金身故在刻木首非隕列列羞祈
死淹淹笑祝延葭灰陽解駁火井燄浮煙錯莫嘶泥馬分
明叫杜鵑朔方唐故事綸邑夏前編率土誠延佇敷天忍
棄捐雲旗翻畢口星矢直狼肩壁壘分行陣雷風合弭鞭

白山厓倒側黑水浪平填鶉尾南迴越旄頭北掃燕誓師

三后所飲御五車邊改葬新班劍輿尸故馬韉羽門頌綬

綬麟閣列貂蟬畫壁雕戈動祠堂兕甲縣傳芭歌杳杳薦

荔鼓蕭蕭宿列還箕尾其先人學憲公名字皆取象傳說星也星祠配女媀

其夫人先五陵齊翦棘雙廟並加籩督師侍郎張公同敵故太師江陵文忠之

孫以門蔭起家抗罵不屈同日被害後死身餘幾先生腹尙便不成升屋哭

彌想對牀眠單子留形影淒涼度陌阡雞窗言髣髴蛛匣

字蜿蜒西第花猶發東皋草欲芊經過光景眩識路夢魂

顛太息看梁棟沉吟仰屋椽移山誰負畚蹈海可乘扁守

器紆奔問餘皇肆泝沿祝予雙淚涸將伯寸心痛長夜歌

將闕窮塵恨始湔蕩陰三士詠蜀國八公篇鄉夢憑温序

哀詞屬馬汧降神天意遠養士國恩綿汗竹新書史澆花

近掃阡明明老眼在拭目向空玄

甘肅放歌行贈櫟園道人游武夷

礪君吳剛斫月之玉斧揚君魯陽指日之戈殳飲君邯鄲
一曲之美酒贈君繞朝臨行之策書憶君去年歸畫繡高
堂燕喜身垂魚雕軒列戟侯門屏金章玉軸照座隅詞人
油素獻謏頌肩駟踵汗仍口吐青陽逼除才隔歲南冠顧
影行次且秋風吹散孟嘗客廉公市門日盱虛老夫衝寒
走問訊罨頭冰雪膠髭鬚溺人但一笑越吟多囁嚅班荆
過逢桑下語倉皇執手臨交衢且勿賦河梁且勿歌驪駒
聽我放歌行請言造化初厥初空界二十劫毘嵐橐風吹
復噓金藏興雲雨如軸金剛界結胎堪輿清水升天澱濁
地七金四洲高下殊光音天人福報薄地餅食竭林藤枯

身光彫落器界暗四輪墨穴游昏塗寶音諸地起慈愍化
現日月天地星宮俱開張兩儀布二曜二十八宿磊落排
空居梵王口臄臄輪各種族欲界障持善現相封屠修羅
蕩腳波海水生憎頭上蹴踏雙兔蝮手幃日輪口噉月月
月怖匿天嗟吁此方蚩尤兄弟亦徒黨銅頭鐵額輿蝥弧
共工觸頭折天柱后羿矯矢摧陽烏三王五伯迭整頓君
臣將相羣拮据撐天拄地定八極爲此衣冠禮樂爭寰區
東門嘯戎索北落移天樞裸衣笑神禹好冠詫勾吳退飛
未許傍宋鷁避風何地追鷄鷓天地爲籠逝安適身藏藕
孔難卷舒移眉下目吁可怪閉門捕舌誰能逋劾君以彈
甘蕉之封事案君以覆鄭鹿之追胥誤君以知雀語之公
治貴君以辨牛鳴之葛廬澹于冠纓大笑絕舍人婁數尻

譽呼崑山抵鵲用良玉泉淚洒涕成明珠心驚蟻牀自急
擣夢入鼠穴仍供趨斗間干將會須出山頭廷尉當何如
河鼓大星正芒角橫海兵氣連無諸蛟門水立鳥不渡子
陵灘頭斷釣漁老夫已辦干日醉吾子慎愛千金軀扁舟
東下值元夕紅燈綠酒停姑蘇皋橋銀箏裏紅淚遲君拂
拭追歡娛元墓梅花眾香國西冷紅雨桃千株巾車蠟屐
聊復爾何用輾轉催奔車武夷之君吾遠祖相見遙祝傳
區區會孫面皴頭髮禿何當念我詒乾魚酌君酒攬子袂
我欲竟此曲此曲煩且紆隴啣吟嚙如夢魘宮商失次無
疾徐征馬爲躑躅僕御亦踟躕烏啼鴉散君且發玉壺酒
暝還須與放歌行還須與東方瞻顧已精色晨雞喔喔鳴
前除

丁家水亭再別櫟園

鐙暈離筵酒不波同雲釀雪暗秦河人於患難心知少事
值間關眉語多鼓角三更莊舄淚殘棋半局魯陽戈荔支
醞熟鱸魚美醉倚銀箏續放歌

左甯南畫像歌爲柳敬亭作

何人踞坐戎帳中甯南徹侯崑山公手指揮彈出獅象鼻
息呼吸成虎熊帳前接席柳麻子海內說書妙無比長揖
能令漢祖驚搖頭不道楚相死是時甯南大出師江湘千
里連軍麾每當按甲休兵日更值椎牛饗士時夜營不諳
角聲止高座張鐙拂筵几吹唇芒角生燭花掉舌波瀾沸
江水甯南聞之鬚眉張攸飛櫪馬俱騰驤誓剋心肝奉天
子拚灑毫毛布戰場秦灰燒殘漢幟靡嗚呼甯南長已矣

時來將帥長頭角運去英雄喪首尾倚天劍老親身匣垂
斃猶興晉陽甲數升赤血噴餘皇萬斛青蠅掩牆霎白衣
殘客哭江天畫像提攜訴九泉舌端有鏗腸堪斷泣下無
珠血可憐柳生柳生吾語爾欲報恩門仗牙齒憑將玉帳
三年事編作金陀一家史此時笑噓比傳奇他日應同汗
竹垂從來百戰青燐血不博三條紅燭詞千載沉埋國史
傳院本彈詞萬人羨盲翁負鼓趙家莊甯南重爲開生面
題汴人趙澄臨趙子固棧道圖

蜀山崔嵬去天尺千峯萬嶂攢列戟奔濤坼峽鬪雷霆削
鐵層層梯絕壁青天鳥道瞰窅冥終古蠶叢見開闢地縮
千盤雲棧重天迴四游閣道窄牛車絡繹不斷頭飛走凌
兢罕接翼輪鞅犖確如有聲人鳥夤緣共一跡穴穿重掩

身入雷登頓巉巖足上壁此圖瑰瑤畫者誰似爲昇平寫
物色天漢津梁扼關隴沃野輿圖跨梁益參旗橫拂東井
深褒斜鉤連子午直邛竹苻醬來東西滇犍冉駝走阡陌
何煩力士挽金牛是處戎王貢瑤碧郫筒好酒車郤載織
成錦段馬薦席丞徒猶拜古帝魂學士能銘劍閣石嗚呼
此圖不易得全盛方輿真可惜丹青如閱華陽志衣裳不
爲左擔易何物羶車掣橐駝况乃窮廬蓋服匿卧龍躍馬
定誰是錦江玉壘還自昔雪江老人頭雪白吮筆經營口
噴啻畫師有心人不識老夫看畫長歎息

贈侯商邱若孩

殘燈顧影見蹉跎十五年來小劫過曾捧赤符迴日月遂
刑白馬誓山河閒門菜圃英雄少朝日瓜疇賓客多挂壁

龍淵慙繡澁爲君斫地一哀歌
蒼梧雲氣尙蕭森八桂風霜散羽林
射石草中猶虎伏
金壁外有龍吟夢迴芒角生河鼓
醉後旌旗拂井參
夷門尋舊隱要離千載亦同心
橘社傳書近卜隣
龍宮破陣樂章新
蒼梧野外三衣衲
黃柳車中七尺身
世事但堪圖鬼魅
人間祇解植麒麟
相逢未辨中山酒
且買黃柑醉凍春

天子席間觀李素心孫七歲童子草書歌

杜陵九齡書大字
李郎七齡筆陣強
身長未及等身案
負劍卻立短凳傍
凝睇雙瞳翦秋水
梯几拂拭神揚揚
須臾筆下龍蛇出
折釵倒薤紛旗槍
拳如繭栗不盈握
放筆直欲隳堵牆
力如藍田射伏虎
飲羽穿石激電光
勢如衛公

夜行雨風鬢霧鬢不可當書罷安閑妥衫袖斂手拱揖歸
輩行肩隨兄弟舒雁立懷鉛畫槩森琳琅荀氏八龍見其
四一龍奮爪先開張當筵觀者皆老蒼將鬢奮袂徒驚惶
老夫頓足自激昂安得抱之貢玉堂君不見昔年李長沙
天子加膝坐御牀

大觀太清樓二王法帖歌爲山陰張爾唯作

神霄天子恢皇綱重鐫閣帖煥寶章干戈久忘熙陵勦圖
書欲壓滄化藏侍書著摹換鉤揚太師京識新褫裝太清
危樓切霄漢乙夜御覽迴虹光大觀承平過星紀宣和版
蕩垂靖康聲明文物歸松漠翰林子墨炎昆岡馳載唐碑
失定武瓊裏周鼓殘岐陽冊府秘閣俱已矣長沙戲魚徒
相望新絳燥筆改東庫亮字損本來榷場二府拜賜傳掌

故三館審定看堵牆良常新銘不在世羽陵舊蠹餘幾行
君從何處購此本右軍墨蹟兼小王續帖真成廿卷羨萬
籤何似二本良墨華晶光出匱紙筆陣折抹生鋒芒晴窗
臨摹挾飛動斐几展翫鋪雲肪裂紋木直非剝損檉痕銀
錠誰低昂從今鑒定歸米薛不收慰問嗤梁唐但看鸞翽
與鳳翥焉用冷金並硬黃嗚呼此本不易得摩挲使我神
慘傷自從京闕睹戎馬又使館門淪滄桑人間西清燼禁
苑天上東壁埋文昌橐駝交跡踐竹素牛馬漬汗沉縹緗
甲衣狼藉剔鈿錦礮車迸裂窮琳琅游家蘭亭填爨下褚
摹禊帖擲道旁魯公孝經麻姑字兒童插標叫市坊卷軸
遑惜三千富款書甯數丈二長白麻何處博青縹碧牋翻
喜歸黃腸奇哉一本獨完好豈無六丁下取將展卷俄驚

標識改開奩先嗅古墨香印縫無煩辨分翦破體仍與論

偏旁何年瓦官閣鴟吻有客山陰搜屋梁玉躐金題閱惜

重褚妍歐怪空輝煌已堪唐陵比玉匣重許漠室開珠囊

傷心西昇失至寶褚河南西昇經余購得新安乙酉城陷失去漫眼東觀欲發

狂吾家圓印銘忠孝長依書史緘篋箱米元章書史云錢氏所收浩博帖上

有希聖字印忠孝之家錢氏書空印作歌無才繼石鼓閣筆再拜朝墨

皇

金陵雜題絕句

澹粉輕煙佳麗名開天營建記都城而今也入煙花錄鏡

火樊樓似汴京

頓老琵琶舊典型檀槽生澁響丁零南巡法曲無人問頭

白周郎掩淚聽紹興周錫圭字禹錫好聽南院頓老琵琶曰此威武南巡所遺法曲也

舊曲新詩壓教坊縷衣垂白感湖湘閑開閨集教孫女身

是前朝鄭妥娘

鄭如英小名妥詩載列朝閨集中今年七十二矣

吁嗟行走筆示張子石

君不見程孟陽詩名粉繪垂琳琅松圓一抔掩寂寞孫枝
兩葉悲流亡又不見程善長布衣俠骨今無兩傭保雜作
購童稚新安江頭命兩槳是時春寒雨飄蕭天容人意俱
無慘通眉長爪猶在眼陳根絕哭不可澆練川故人望眼
勞種泥扶病來崇朝摩頂執手心鬱陶日推脫粟身解袍
喜心翻倒轉嗚咽迷離老淚隨風颺吁嗟乎丹陽朋舊不
可得勝華通子誰省識白刃有客致伯禽青山無人弔李
白老夫耄矣徒歎息天地兵塵尙偏塞桃花照眼淚霑臆
且持邨酒勸子石一爲歌行歌主客

古詩贈新城王貽上

風輪持大地擊颺爲風謠吹萬肇邃古賡歌暢唐姚朱絃
汜漢魏麗藻沿六朝有唐盛詞賦貞符策元包百靈聽驅
使萬象窮鏤雕千鐙咸一光異曲皆同調彼哉譏譏者穿
穴紛科條初唐別中晚畫地成狴牢妙悟掠影響指注闕
釐毫甕天醯雞覆井月癡猿號化爲劣詩魔飛精入府焦
窮老蔽葑屋不得瞻沈寥正始日以遠詞苑雜莠苗獻吉
才雄鷲學杜舖醜糟中默俊逸人放言訾謝陶考辭競嘈
噴懷響歸浮漂江河久壅決屨濶亦騰囂么絃取偏張苦
調搜啁噍鳥空而鼠卽厥咎爲詩詆喪亂亦云膺詩病不
可瘳叶譬彼膏肓疾傳染非一朝嗚呼杜與韓萬古垂斗
杓北征南山詩泰華爭峩流傳到於人不得免傲嘲况

乃唐後人嗤點誰能跳窮子抵尺壁凍人裂複陶熠燿點
須彌可爲渠略標昌黎笑羣兒少陵訶汝曹嗟我老無力
掩耳任叫喚王君起東海七葉光漢貂麒麟奮蹴踏萬馬
暗不驕識字函雅故審樂辨簫韶落紙爲歌詩絳雲卷青
霄自顧骨骼馬創殘卧東郊敢云老識路昏忘慙招邀河
源出星海東流日滔滔誰蹠巨靈掌一手湮崩濤古學喪
根幹流俗沸螻蝻僞體不別裁何以親風騷珠林旣深深
玉河復迢迢方當翦榛楛未可榮蘭茗瓦釜正雷鳴君其
信所操勿以獨角麟媿彼萬牛毛伊余久歸佛繙經守僧
寮根觸爲此詩狂言放調刁無乃禪病發放筆自逸騷起
挑長明鐙懺除坐寒宵

鐙樓行壬寅元夕賦示施偉長

長安元夕風景妍夾路燈樓柳市邊黃道日回春夜暝碧
空月壓看場圓絡角星河挂人首九華蓮燄枝如藕側帽
都簪內苑花薄醪猶帶昆明酒千金一刻買春陽十里珠
簾曼睽光全疑月面爲人面不辨衣香與坐香當時我亦
銅龍客朝回衝酒城東陌銀燭遙連北里紅金壺不許東
方白如今老大鬢婆娑土室龕燈禮佛陀上元僭耳歡娛
少鐙火樊樓涕淚多憐君旅食山城下鐘罷鑪殘守僧舍
膠牙生菜粥不糜蜚鼻村酤酒未竿與君相去一牛鳴便
似蓬池話淺清挑鐙互見闌珊影倚戶如聞嘯哨聲月宮
清輦空相憶金牀舍利無消息綺陌兵殘玉露晞紫姑卜
罷銀河仄寂寂秋衾卧冷雲輭紅香霧想氤氳夢迴歷歷
華胥國折腳鐙邊說向君

病榻消寒雜詠

直木風來自古憂，不材何意縱尋矛。
羣蟬枉撼盆池樹，積羽空沉芥子舟。
說易累伸箕子難，編書頻訪大航頭。
白頭炳燭渾無暇，魯酒吳羹一笑休。

中年招隱共丹黃，栢栢猶餘翰墨香。
晝裏夜山秋水閣，鏡中春瀑耦耕堂。
客來蕩槳尋閒詠，僧到支筇話夕陽。
留卻中州青簡恨，堯年鶴語正悲涼。

推蓬翦燭夢悠悠，舊雨依稀記昔游。
南國梟盧誰劇孟，北平雞酒有田疇。
霜前啼鳥皆朱噉，月下飛烏盡白頭。
病樹枝顛天一握，爲君吹笛上高樓。

廣陵人傳
研詳北訊

高枕匡牀白日眠，閒看世態轉頽然。
湛河不信多爲石，賣鬼還愁少得錢。
鑿空舊能雕渾沌，舞文新擬案丁零。
睡餘

偶憶柴桑集畫扇蕭疏仰昔賢
前編文雅對案下零與給

高妙淵林白日烟霞青野
遊韓賦然蒸世不奇定益心

蘇顧天一對魚器文苗土高
懸此詩非真人歸此詩非真

乘我幽南田和露降朝鳥
苦米飽且不乘魚盡白煎

蘇養廉賦楚歌愁蒼雨
趁林晴昔過南園集濕騎風

中賦青簡題美手歸請
玉悲前此詩非真

中春風辨博堂客來
驚繁興病曾匯文設請之

中平陸濕其氏黃淋淋
齡翁綠墨香畫窠亦由林

風飄畫燕別盛醉是羹
一焚林此詩非真

下空武衣平畏舊
畏果麻其于鑿麻書越
博太概題白頭

直木風來自古憂
不林吟意錄喜不
琴悅休辨金並賦

晚晴移詩匯卷十九終